

3254  
13

MARKOS.

3254.13

Harvard College Library



GIFT OF THE  
BRITISH AND FOREIGN  
BIBLE SOCIETY

LONDON

Bible, Mark, Kachari.

(Diab. - Dimasa.) 1908.

MARKOS

REBIABA

HAMBA GYRAU-ZYMA

LONDON:

THE BRITISH AND FOREIGN BIBLE SOCIETY.

1908.

325413

Harvard College Library

Sept. 23, 1910

Gift of the

British & Foreign Bible Society

THE GOSPEL ACCORDING TO

ST. MARK

IN THE DIMASA, KACHARI, LANGUAGE.

# MARKOS

REBIABA

## HAMBA GYRAU-ZYMA

### I

<sup>1</sup> Ishorni Byasa, Jisu Khristni hamba gyrau-zymani jentai. <sup>2</sup> Khandidiaba Esaisni laisimaha rebba dongbalai,

Nai, ang nuni sygangha jarni deglakho haihadu,

Bo nuni lama sylamnang ;

<sup>3</sup> Hagraha sausi gyrau baiabani kurang, Nisi Gabrani lama-iung sylam.

Bytamaini lama kurub fyleng.

<sup>4</sup> Joannis sofaikha hagraha baptis khy-laikha, ar pap kymamani khylaihi kha slaimani baptism baikha. <sup>5</sup> Ar Judaia rajini subungnisi ar Jerusalemsarau baigohi bytamainiha tangkha ; ar bonisi jar jarni pap manihi bytamai jang Jordan diha baptis khylaijaukha. <sup>6</sup> Ar Joannis ut-bikmi gainghi dongha, ar bytamaini jengkhongha

migurni jenstu dongba, ar bytamai ghu ar hagrani beredi jiba. <sup>7</sup> Ar bytamai ede tihi baiba, Antane raudauiaba sausi ani iahungha faidu, ang gonglaihi bytamaini iafadab-ni dustup kurumabo gytai. <sup>8</sup> Ang nisikho di jang baptis khylaikha; tikabo bytamai nisikho Byse Gytar jang baptis khylainang.

<sup>9</sup> Ar bo bubliha Jisu Galilaiani Nazaretne prang faihi Joannis jang Jordanha baptis khylaijaukha. <sup>10</sup> Ar tab dini prang bajabubaha bytamai shorgo banta gini jaba, ar Se daufrilai bytamaini bysauha akhaibuba nukha: <sup>11</sup> ar shorgoni prang ebo kurang faikha, Nung ani kha-nangiaba Bysa, nungkho ang gybang khasaudu.

<sup>12</sup> Ar tab Se bytamaikho hagraha rukhy-laihadu. <sup>13</sup> Ar bytamai hagraha bysaing jang bisagni donghi Hasong jang naigrujaukha; ar bytamai hagrani minisini lugu dongba; ar shorgoni deglarau bytamaini seba khylaikha.

<sup>14</sup> Ar Joannis morongha jebjaublaihi Jisu Galilaiaha faihi Ishorni hamba gyrau-zyma baikha, <sup>15</sup> ar tikha, Bubli sofaikha, ar Ishorni raji rugungha dong: kha slai, ar hamba gyrau-zymakho lon.

<sup>16</sup> Ar bytamai Galilaia sagirni rugung gyde tanghi tanghi nukha, Simon ar Simonni bufiung Andreas sagirha je saidu : sumune bonisi nagu. <sup>17</sup> Ar Jisu bonisikho tikha, Ani iahungha fai, ang nisikho subung rumiaba nagu khylainang. <sup>18</sup> Ar tab bonisi je garhi bytamaini iahungha tangkha. <sup>19</sup> Ar kisa sygangha tangdauhi bytamai Zebedaiosni bysa Jakob, ar boni bufiung Joanniskho nukha, bonisibo je sylamhi rungha dongkha. <sup>20</sup> Ar bytamai tab bonisikho jurukha : ar bonisi jarni bufa Zebedaios dang-mynau-jiaarauni lugu rungha denghi bytamaini iahungrukha.

<sup>21</sup> Ar bytamaitu Kapharnaumha tangdu ; ar lengobysaingha bytamai tab synagogha habhi subrungkha. <sup>22</sup> Ar bonisi bytamaini subrungtai khanahi gymangkha : sumune bytamai raiiaba subungnilai, ar rebiaraunilai nia, bonisikho subrungkha. <sup>23</sup> Ar tab bonisini synagogha simang gynangiaba subung sausi dongba ; <sup>24</sup> ar bo jurukauhi tikha, Nazaretni Jisu, namai jang jung jang sumu gylailaidu ? namaila jungkho sytaima faidu ? namai sere, ang mitidu, namai Ishorni subung gytar. <sup>25</sup> Ar Jisu bokho sigringhi



tikha, Puru puru dong, ar boni prang baigo.

<sup>26</sup> Ar simang boni sau derdada jurukauhi gaulangkha. <sup>27</sup> Ar kurubbo gymanglaikha, ede jalaikha bonisi sausi jang sausi sunglaikha, Ebo sumu? sulungtai gydaing! bytamai rauhinu simangraukho sanire ar bonisi bytamaikho manire. <sup>28</sup> Ar bytmaini gyrau haglang tab Galilaia rajini serser giding gyblaikha.

<sup>29</sup> Ar tab bonisi synagogni prang baigohi Jakob ar Joannisni lugu, Simon ar Andreasni noha faikha. <sup>30</sup> Tikabo Simonni busumha lumhi dongba; ar tab bonisi boni bytai bytamaikho tidu: <sup>31</sup> ar bytamai faihi boni iau rumhi bokho sugukha; ar lumma gaukha, ar bo bonisini seba khylaikha.

<sup>32</sup> Ar murgusumbaha, saing jorobani iahungha, bonisi subung lumiarau, simang gynangiarau, kurubkho bytmainiha labukha. <sup>33</sup> Ar nolaimani subungnisi derga kholaiha gataisi jakha. <sup>34</sup> Ar bytamai jadi jadi lumtai gynangiaba gybang subungkho hamrikha; ar gybang simang sygaukha; ar bytamai simangraukho gyrau joriakha; sumune bonisi bytamaikho mitire.

<sup>35</sup> Ar bytamai purungmaha, najuni

sygangha, bajahi bajiha baigokha, ar subung siriabaha tanghi oraha bikha. <sup>36</sup> Ar Simon ar boni lugu dongiarau bytamaini iahung-rukha; <sup>37</sup> ar bonisi bytamaikho maihi tidu, Kurubbo nymaikho symaidu. <sup>38</sup> Ar bytama mai bonisikho tidu, Ta, jung gubun hata-niha, sampaiaba nolainisiha tangnang, orahabo ang baifugotai; sumune ang boni khylaihi baigoba. <sup>39</sup> Ar bytama Galilaia kurub hataniha bosini synagognisiha tanghi baiba ar simangnisikho sygauba.

<sup>40</sup> Ar bytamainiha khunti gynangiaba subung sausi faihi, bihi ar iasugu tuhi tidu, Nymai mujungkhanu, angkho hamrifure. <sup>41</sup> Ar bytama khasauhi iau pylauhi bokho gudungkha, ar tidu, Ang mujungdu; nung hamlang rygausisi ja. <sup>42</sup> Ar tab boni khunti hamlangkha, ar bo rygausisi jakha. <sup>43</sup> Ar bytama bokho hamsisi sanihi bohanu hai-garhakha, <sup>44</sup> ar tidu, Nai sausikhobo musi da ti: tikabo jontaimaniha tanghi jarkho punula, ar bosine saki rimani ar rygaubani khylaihi Moses tibalilai, nung ri. <sup>45</sup> Tikabo bo baigohi bo gyrau isi gybang khaikokha ar saiflungrukha, Jisu daudau musi nolaihabo habfuiakha, tikabo bajiha siri siriabaha

dongkha : ar serser gidिंगni prang bytamai-niha subungnisi faikha.

## II

<sup>1</sup> Ar bysaing kisani iahungha pinhi Kapharnaumha tangbade gyrau haglang baigokha bytamai noha dong. <sup>2</sup> Ar gybang subung gataisi jakha, no bisinghade hatani jaiabani jaiaba, derga kholaihabo hatani jaiakha ; ar bytamai bonisiniha gyrau tikha. <sup>3</sup> Ar subungnisi, subung-bri jang baingrihi, atur sausikho bytamainiha labuba. <sup>4</sup> Ar subung bangbani khylaihi bytamainiha tangfuiabani, bytamai jar hataniha dongba bo hatanini nokum kurukhylaihakha ; gybla khylaihi sumu rienha aturkho turihi dengba bokho akhairihakha. <sup>5</sup> Ar Jisu bonisini lonba nuhi bo aturkho tidu, Afa, nini pap sogodu. <sup>6</sup> Tikabo oraha kamiaba rebiarausi kha bisingha ede nialaikha. <sup>7</sup> Ebo subung sumune edelai tidu ? Bo Ishorkho sijidu : sausi, dabo Ishorni binaga, ar sere pap sogofure ? <sup>8</sup> Ar bonisi kha bisingha ede nialaidu, tab Jisu jarni bisingha bokho mitifuhi bonisikho tidu, Nisi sumune ebo kurub

bytaikho kha bisingha nialaidu? <sup>9</sup> Aturkho sumu gyrau tiba laidau, Nini pap sogodu, tibati niakhade, Baja nini rien lahi daubai, tiba? <sup>10</sup> Tikabo fertiha pap sogomani khylaihi subung Bysani rautai dong, ebokho nisi mitifugotai (bytamai aturkho tidu), <sup>11</sup> Ang nungkho tidu, Baja, nini rien sugulahi nini noha tang. <sup>12</sup> Ar bo bajakha, ar tab rien sugulahi kurubni syganga tanglakha; boha kurub gymanghi Ishorkho bykhan khylaihi tikha, Jung musi khalibo elaiabakho nuba giri.

<sup>13</sup> Ar bytamai pinhi sagir rugungha tangkha; ar bo kurub subung bytamainiha faikha, ar bytamai bonisikho subrungkha. <sup>14</sup> Ar tanghi tanghi bytamai Alphaiosni bysa Levi, jaigri laiaba hataniha khamhi dongba nuhi bokho tidu, Ani iahung fai. Ar bo bajahi bytamaini iahung-rukha. <sup>15</sup> Ar ede jakha bytamai boni noha jima khambaha gybang jaigri laiarau ar papi Jisu ar bytamaini sisirauni lugu khamkha: bedehe gybangu dongba ar bonisi bytamaini iahung-ruba. <sup>16</sup> Ar Pharisirauni rebiarau bytamai papi ar jaigri lairauni lugu jiba nuhi bytamaini sisiraukho tikha, Bytamai jaigri

laiarauni lugu jire lungre. <sup>17</sup> Ar Jisu khanahi bonisikho tidu, Hamiaraune moli naiarauni kusi nangia, lumiaraune senu nangre ; ang dormo gynangiabakho nia papikho juruma faiba.

<sup>18</sup> Ar Joannisni sisirau ar Pharisirau mykham saiba ; ar bonisi faihi bytamaikho tidu, Sumune Joannisni sisirau ar Pharisirauni sisirau saidu, tikabo namaini sisirau mykham saia ? <sup>19</sup> Ar Jisu bonisikho tikha,

Bôr lugu dongbaha konani noni subungni-sila mykham saifure ? bôr bosini lugu dongdusi bonisi mykham saifuia. <sup>20</sup> Tikabo elaiaba bubli fainang jekhali bôr bosini prang langjaunang, okhaliha bonisi mykham sainang. <sup>21</sup> Sausibo ri gyzamha maidi gariaiaba ri sufaia ; sufakhade bo ri gydaing ri gyzamkho sijire ar gybla regedaudau jalangre.

<sup>22</sup> Ar sausibo di-dengiaba migur gyzamha draka bidi gydaing dengia ; dengkhade bo draka bidi jang migur berekaulangre, ar draka bidi ar migur gymare ; tikabo bonisi migur gydaingha draka bidi gydaing dengre.

<sup>23</sup> Ar ede jakha bytamai lengobysaingha mailung gyde tangba, ar bytamaini sisirau

tanghi maideng sabsofalailangba. <sup>24</sup> Ar Pharisirau bytamaikho tikha, Nai jarkho khylaitauia bonisi bokho sumune lengobysaingha khylaidu? <sup>25</sup> Ar bytamai bonisikho tikha, David ar bytamaini lugurau jimu maiakhade ar hokrikhade, bytamai jarkho khylaiba, bokho musi khalibo foria? <sup>26</sup> Bytamaide Abiathar jontaimani bubliha Ishorni noha habhi, jar nuiaba ruti, jontairauni binaga, sausibo jitaui, bokhonu jiba ar luguraunebo riba? <sup>27</sup> Ar bytamai bonisikho tikha, Lengobysaing subungni khylaihi jaba, subung lengobysaingni khylaihi nia; <sup>28</sup> odebani subungni Bysa lengobysaingnibo bogobra.

## III

- <sup>1</sup> Ar bytamai pinhi synagogha habkha; ar oraha iau raingiaba subung sausi dongba. <sup>2</sup> Ar bonisi bytamaikho tisengfugotai tihi bytamai bokho lengobysaingha hamrinangti hamria, naimani khylaihi naihi dongkha. <sup>3</sup> Ar bytamai bo iau raingiaba subungkho tidu, Gezerha songfai. <sup>4</sup> Ar bytamai bonisikho tidu, Lengobysaingha sumu khylaima

nangre, hamba khylaibati hamia khylaiba ? mythangbati sytaiba ? Tikabo bonisi puru puru dongkha. <sup>5</sup> Ar bytamai tamsi jang serser giding bosini gyde naihi ar bosini kha rauba nuhi duku nangkha, subungkho tidu, Nini iau pylau. Bo pylaukha, ar boni iau hamkha. <sup>6</sup> Ar Pharisirau baigohi bedehe bytamaikho sytaifuma Herodianrauni lugu tab bytamaini bysauha gyrau jablaikha.

<sup>7</sup> Ar Jisu jarni sisirauni lugu sagir gyde pintangkha ; ar gybang subung Galilaia-ni prang iahungrukha : ar Judaia, <sup>8</sup> Jerusalem, Idumaia, Jordan dinar, Tyros ar Sidonni prang subung gybang, bytamai elai kusi gedeba dangba, khanahi bytamaini rugungha faikha. <sup>9</sup> Ar bytamai sisiraukho tikha, subung bangbani khylaihi bytamaine rungsa grangsi salaihi dengma, ar subungnisi bytamaini bysauha neseblaiagotai : <sup>10</sup> sumune bytamai gybang subungkho hamrikha ; boha guria dongiabasi bytamaikho gudungmani khylaihi bytamaini sauha gylaipaba. <sup>11</sup> Ar simang gynangiarau bytamaikho nubahanu bytamaini sygangha gylaihi jurukaukha, Namai Ishorni Bysa. <sup>12</sup> Ar bytamai bonisine bytamaikho mitirima manaba.

<sup>13</sup> Ar bytamai hajuha gakudu, ar jar jarkho bytamai mujungba, bonisikho jurudu : ar bonisi bytamaini rugungha tangkha. <sup>14</sup> Ar bytamai subung jignikho sylamkha, bonisi bytamaini lugu donggotai, ar bytamai bonisikho baima haihafugotai, <sup>15</sup> ar bonisi simang gaurifugotai ; <sup>16</sup> ar bytamai Simon-ne Petros bumu rikha ; <sup>17</sup> ar Zebedaiosni bysa Jakob, ar Jakobni bufiung Joannis, bonisikho bytamai Boanerges, dabo Hadi gurumtaini bysarau, bumu rikha ; <sup>18</sup> ar Andreas, Philip, Bartholomaios, Matthaios, Thomas, Alphaiosni bysa Jakob, Thaddaios Kananni Simon, <sup>19</sup> ar Judas Iskariot, jar bytamaikho haraini iaufaha riba.

Ar bytamai no grangsiha faidu. <sup>20</sup> Ar pinhi isi subungnisi faidu, bytamaitu jibo jifuiakha. <sup>21</sup> Ar bytamaini haingtirau ebokho khanahi bytamaikho rumlangma baigokha : sumune bonisi tikha, Bytamai gubur jakha. <sup>22</sup> Ar Jerusalemni prang faiaba rebiarau tikha, Eboniha Beelzebub dong, ar, Ebo simangni rajani rautai jang simangnisikho gaurire. <sup>23</sup> Ar bytamai bonisikho rugungha juruhi tifunukha, Hasongla



bede khylaihi Hasongkho sygaufure ?  
<sup>24</sup> Ar sumaba raji jarni bisingha tugni jakhade, bo raji mauiahi dongfuia. <sup>25</sup> Ar sumaba no jarni bisingha tugni jakhade, bo no mauiahi dongfunang nia. <sup>26</sup> Ar Hasong jarni bysauha bajakhade, ar tugni jakha, bo dongfuia, tikabo bo jamre. <sup>27</sup> Ar sygangha rauiabakho khaiahi sausibo boni noha habhi bani kuni lalafuia : bokho khahise, bo boni noni bani lalafure. <sup>28</sup> Ang nisikho gibinu tidu, Subung bysarauni kurub pap ar bonisini kurub jadi sijitai sogojaunang : <sup>29</sup> tikabo jar sere Byse Gytarkho sijire, musi khalibo bokho sogonang nia, bo tauiaiaba papni gyzaise : <sup>30</sup> sumune bonisi tikha, Bytamaini simang masi dong.

<sup>31</sup> Ar bytamaini buma ar bufungrau faili bajiha songhi bytamaikho jururihakha.

<sup>32</sup> Ar bytamaini serser giding subung gybang khamba, bonisi tidu, Nai, namaini buma ar nufungrau bajiha namaikho symaidu. <sup>33</sup> Ar bytamai bonisikho tipindu, Ani buma sere ? Ani dafungrau sere ?

<sup>34</sup> Ar bytamai jarni serser giding khamiaba subungnisikho naihi tidu, Ege, nai, ani buma ar ani dafungrau ! <sup>35</sup> Sumune jar

sere Ishorni mujungtai mytaure, bonu ani dafung, byhandau, ar buma.

## IV

<sup>1</sup> Ar bytamai pinhi sagirni rugungha subrungrukha; ar bytamaini rugungha isi gybang subung jakha, bytamai rung grang-siha gakuhi sagirha khamkha, ar subungnisi dirgungha hagongha \*dongkha. <sup>2</sup> Ar bytamai daugari jang tifunuhi bonisikho bytai gybang subrungha, ar subrunghani bisingha bonisikho tikha, <sup>3</sup> Khana: Nai, maimu gaiaba subung maimu gaima tangkha: <sup>4</sup> ar ebo jakha bo gaibani khalihai maimu gyjesi lamaha gylaikha, ar daunisi faihi bokho jikha. <sup>5</sup> Ar gyjesi longmaisai-lungha gylaikha, oraha gybang ha maiakha; ar gybang ha maiabani srah bysla jakha: <sup>6</sup> ar saingbaigobahanu bo khamlangkha, ar iader giribani raingkha. <sup>7</sup> Ar gyjesi shulungha gylaikha, ar shulung dehi bokho kulub fungkha, bytai taiakha. <sup>8</sup> Ar gyjesi ha hambaha gylaikha, bo berehi dehi gakukha; ar bytai taikha, gyjesi banta tumji, gyjesi banta jang bisagtam, ar gyjesi banta jang

ryjasi bytai taikha. <sup>9</sup> Ar bytamai tikha, Jarni khanamani khamau dong, bo khana-tung.

<sup>10</sup> Ar bytamai siri siri dongbaha, sere sere jignini lugu bytamaini rugungha dong-ba, bonisi bytamaikho bo daugarinisini by-taikho sungkha. <sup>11</sup> Ar bytamai bonisikho tikha, Ishorni rajini gyrau gutuiaba nisine rijaudu : tikabo bajini subungnisiniha ku-rubbo daugari jang jare : <sup>12</sup> bonisi naihi nu-gotai tikabo tar maia : khanahi khanagotai tikabo khamau habia ; ar bonisi faiafingotai ar sogojauia-gotai. <sup>13</sup> Ar bytamai boni-sikho tidu, Nisila ebo daugari mitia ? tikala sumu bedehe kurub daugari mitinang ? <sup>14</sup> Bo gaiaba subung gyrau gaire. <sup>15</sup> Eboni-sinu lama rugungha, jar hataniha gyrau gaire ; ar bonisi khanakhanu Hasong tab faihi bosini bisingha gaiaba gyrau khau-langre. <sup>16</sup> Ar olai ebonisinu longmaisalungha gaijauba, sere sere gyrau khanaba jangnu khajahi bokho lare ; <sup>17</sup> ar bonisini iader giribani bosini fungsini khylaihi dongre ; iahungha gyrauni khylaihi duku niakhade pezentai maibahanu bonisi kudare. <sup>18</sup> Ar gyjesi shulungha gaijauiauba ebonisi gyrau

khanakhabo, <sup>19</sup> ar habsauni bautai, rangrini khasautai, ar gubun gubun bytaini mujung-tai habhi bo gyraukho funghi dengre, ar bo taia jare. <sup>20</sup> Ar bonisinu ha hamiabaha gajjauia, sere sere gyrau khanahi lare, ar banta tumji, banta jang bisagtam, ar banta jang ryjasi bytai taire.

<sup>21</sup> Ar bytamai bonisikho tikha Baingko bykhlaha niakhade kamflai bykhlaha dengmani khylaihati taufari labure, ti taufarikoha dengmani khylaihi? <sup>22</sup> Sumune mitijauia gynaiaba kisabo giri, baigonang nia; elai muthum kisabo giri jar baigonang nia. <sup>23</sup> Sereba sereba khanamani khamau dongkhade, bo khanatung. <sup>24</sup> Ar bytamai bonisikho tikha, Sumu bytaikho khanare guruhi khana; nisi sumu sutai jang sudu, bo nisine sujaunang, ar nisine bangdauhi rijaunangkho. <sup>25</sup> Sumune jarni dong, boneta rinang: ar jarni giri, boni jar dong, bokhobo boni prang langjaunang.

<sup>26</sup> Ar bytamai tikha, Ishorni raji edelainu, sereba haha bogrong gaibalai; <sup>27</sup> ar hor saing ture bajare, ar bedehe bo mitia bo bogrong bysla jahi dere. <sup>28</sup> Ha jarnu bytai taire, sygangha botorai, iahungha bedeng,

boni iahung bedeng jang gyblaiaba bogrong.  
<sup>29</sup> Tikabo bytai munkhade bokho ramani  
 bubli sokha tihi, bo tab songi fynangre.

<sup>30</sup> Ar bytamai tikha, Jung sumu jang  
 Ishorni rajikho bausi khylainang? sumu  
 daugari jang bokho tiflanang? <sup>31</sup> Bo iau-  
 lai gorongsilai, bokho haha gaibani khaliha  
 fertini kurub bogrongtane khaledau, <sup>32</sup> ti-  
 kabo gaijaukhade badire, ar kurub sam-  
 pangtane dedaure, ar bedeb gede gede  
 baigore; boha nokhasauni daunisi boni  
 saingklumha dongfure.

<sup>33</sup> Edelai bytamai daugari gybang jang  
 bonisi khanafubalailai bonisiniha gyrau  
 baiba: <sup>34</sup> ar daugarini binaga bytamai boni-  
 sikho musibo tia: tikabo siri siribaha jarni  
 sisiraukho kurub bytai srung srung tiba.

<sup>35</sup> Bo bysaingha murgusumbaha bytamai  
 bonisikho tidu, Ta, jung ojangnarha tang-  
 nang. <sup>36</sup> Ar bonisi subungnisikho garhi  
 bytamai bo rungha dongbalailai lugu langhi  
 tangdu. Ar bytamaini lugu rung gubun  
 dongba. <sup>37</sup> Ar boha bar-iung<sup>22</sup> faidu, ar  
 didaula jang rungha do-sengdu, ar rungha  
 di gyblai rirudu. <sup>38</sup> Ar bytamai gandarha,  
 ganduha khoro denghi mudri tangba: ar

bonisi bytamaikho mysahi tidu, Gabra, jung thima jakha ar namai uaingmu nangiahi dongdu? <sup>39</sup> Ar bytamai symauhi barkho sigringkha, ar sagirkho tikha, Gysainghi puru puru dong. Ar bar taukha, ar gysaingdudu jalangkha. <sup>40</sup> Ar bytamai bonisikho tikha, Nisi sumune khindu? duhabo nisi loniako? <sup>41</sup> Ar bonisi kintaufuiasi kinhi sausi jang sausi tilaikha, Tikala bytamai sere, bar ar sagir bytamaini gyrau khanadu?

## V

<sup>1</sup> Ar bytamaitu sagirnar, Gerasinsarauni rajiha faikha. <sup>2</sup> Ar bytamai rungni prang akhaiba jangnu, simang sausi mangklungni prang bytamai jang goronlaikha, <sup>3</sup> bo mangklungha dongre: ar sausibo bokho khahi dengfuia, jenjri jangbo bylaia; <sup>4</sup> sumune alang alang sukli ar jenjri jang bokho khaba, ar jenjri sabsohi dangkhy-laiba, ar sukli sybaihi bogjo bogjo khylaiba: ar bokho sausibo kymarfua. <sup>5</sup> Ar nalai, saing hor mangklungha ar hajuha bo jurukhauba ar longtai jang jarkho ralaba. <sup>6</sup> Ar .

bo gyjaingni prang Jisukho nuhi khaibukha ar bytamaikho kulumkha; <sup>7</sup> ar rausi jurukhauhi tidu, O Kurubni Bysauni Ishorni Bysa, Jisu, namai jang ang jang sumu nanglaire? namaikho Ishorni symai ridu angkho duku da ri. <sup>8</sup> Sumune bytamai bokho tiba, Hoi, simang, ebo subungni prang baigo. <sup>9</sup> Ar bytamai bokho sungkha Nuni bumu sumu? Bo bytamaikho tidu, Ani bumu Legion, sumune jung bangbi. <sup>10</sup> Ar bo bytamaikho gybang bikha, bytamai bonisikho bo rajini prang ruhoniagotai. <sup>11</sup> Ar bo hataniha, haju rugungha honobutu gybang lungjibaiba. <sup>12</sup> Ar bonisi bytamaikho bihi tikha, Bo hononisini bisingha jungkho haiha, jung bonisini bisingha habfugotai. <sup>13</sup> Ar bytamai bonisine gyrau rikha. Ar simangrau baigohi hononisini bisingha habkha, ar bo honobutu bangdau bangiadau ryjingni haju khoroni prang fyrahi khaihi sagirha gylaikha; ar sagirha bonisi gulubhi hang jo-gaukha. <sup>14</sup> Ar bonisini raukiarau khaikha, ar nolaimaha ar nolaisaha ebokho mitirikha. Ar sumu jakha bonisi bokho naima faikha. <sup>15</sup> Ar bonisi Jisuni rugungha faihi nukha, bo

simang gynangiaba subung, jarkho legion maiba, bo ri gainghi maiguru guru jahi khamhi dong; ar bonisi khinkha. <sup>16</sup> Ar jar jar nuba, bonisi simang gynangiabani bysauha sumu jaba, ar hononisini bytai bonisine kurub tikha. <sup>17</sup> Ar bonisi jar jarni rajini prang bytamaikho tanglamani birukha. <sup>18</sup> Ar bytamai rungha gakubaha, jar subungkho simang maiba, bo bytamaikho bikha bytamai jang dongmai-gotai. <sup>19</sup> Ar bytamai bokho gyrau riakha, tikabo bokho tidu, Nini noha haingtini rugungha tang, Gabra nuni khylaihi sumu kusi gedeba dangkha, ar nuni bysauha bisi khasaukha, bokho bonisine ti. <sup>20</sup> Ar bo tangkha, ar Jisu boni khylaihi sumu kusi gedeba dangkha, bokho Dekapolisha bairukha: ar kurubbo gyma ngkha.

<sup>21</sup> Ar Jisu rung-jang pinhi dinarha baidade bytamaini rugungha subung gybang bojom jakha; ar bytamai sagir dirgungha dongba. <sup>22</sup> Ar synagog bobrarauni subung sausi, Jairos tiaba, faidu; ar bytamaikho nuhi bytamaini iegaha gylaihi gybang bihi tidu, <sup>23</sup> Ani busu gidiba thibri thibri jahi dong: ang bidu, namai faihi boni sauha iau



ri, bo hamhi thang-gotai. <sup>24</sup> Ar bytamai boni lugu tangkha; ar gybang subung boni iahung iahung tangkha, ar bytamaini bysaha bausebhi gylaikha.

<sup>25</sup> Ar mysaingju sausi maitai jignini prang saubaihi dongba, <sup>26</sup> bo gybang molinaiaarauni prang gybang duku maiba, ar bo dongbasi sybaitardadabo musibo hamba maiba giri, hamiadause jabako, <sup>27</sup> bo Jisuni bytai gyrau khanahi butuni bisingha iahung gyde faihi bytamaini ri gudungkha. <sup>28</sup> Sumune bo tiba, Ang bytamaini ri mamang gudung-maikhanu sogojaunangnu. <sup>29</sup> Ar tabnu boni thi baigoiaba rainglangkha; ar bo jarni lumtaini prang gokha, bokho sauha mitilakha. <sup>30</sup> Ar bytamaini prang tangiaiaba rautai baigokha, ebokho Jisu tab khaha mitihi butuha naipinhi sungkha, Sere ani ri gudungkha? <sup>31</sup> Ar bytamaini sisirau bytamaikho tikha, Namai nuladu subungnisi namaini sauha bausebhi gylaidu, ar Sere angkho gudungkha, tidu? <sup>32</sup> Ar jar mysaingju ebokho khylaiba, bokho naimani khylaihi bytamai serser giding naikha. <sup>33</sup> Tikabo mysaingju khindada mauhi mauhi

jarha sumu jakha mitihi, bytamaini sygangha faihi haha gylaikha, ar bytamainiha kurub gibi gyrau tikha. <sup>34</sup> Ar bytamai bokho tikha, Mamai, nuni lontai nungkho hamrikha, gysainghi tang, ar nini lumtaini prang gohi dong.

<sup>35</sup> Bytamai gyrau jodu ebo bubliha bo synagog bobrani noni prang subungnisi faihi tidu, Namaini busu thikha : hojakho ar sumune duku ridu? <sup>36</sup> Tikabo Jisu, bo gyrauha khamau riahi, synagog bobrakho tidu, Da khin, lonsenu lon. <sup>37</sup> Ar bytamai Petros, Jakob, ar Jakobni bufiung Joannisni binaga ar sausikhobo jarni lugu iahung tangriakha. <sup>38</sup> Ar bytamaitu synagog bobrani noha faihi nukha gybangnu gudulaidu, subungnisi rausi gyradu ar gyrasimang gyradu. <sup>39</sup> Ar bytamai bisingha tanghi bonisikho tidu, Nisi sumune gudulaidu ar gyalaidu? nanade thia, tubase. <sup>40</sup> Ar bonisi bytamaikho mylauhi fylaihakha. Tikabo bytamai bonisi kurbkho bajiha ruhonhi nanani boma bofa ar jarni luguraukho langhi nana jarha dongba bo hataniha tangdu. <sup>41</sup> Ar nanani iau rumhi bokho tidu, Talitha kumi, eboni tislaitai

ede, Mamai, nungkho tidu, baja. <sup>42</sup> Ar tabnu bo nana bajakha ar daubaikha : sumune bo maitai jigni jakha. Ar tabnu bonisi hamsisi gymangkha. <sup>43</sup> Ar bytamai bonisikho hamsisi manakha sausibo ebokho mitimaiagotai; ar boneta kisa jibani rima sanikha.

## VI

<sup>1</sup> Ar bytamai bo hatanini prang baigokha; ar jarni rajiha faidu; ar bytamaini sisirau iahungrudu. <sup>2</sup> Ar lengobysaing sofaibade bytamai synagogha subrungrukha : ar gybangu bytamaini gyrau khanahi gymangkha, tikha, Ebonisikho ebola byra maikha? ebokhola bedede rungtai rijaukha, ar eboni iau jang elaiaba gymangsisiaba kusi bedede jadu? <sup>3</sup> Ebola bo badi, Mariani bysa, ar Jakob, Joses, Judas ar Simon-ni bufiung nia? eboni bihandauraula jini eraha dongia? Ar bonisi bytamaiha kudakha. <sup>4</sup> Ar Jisu bonisikho tikha, Khandidiaba jarni raji jarni jadi ar jarni noni binaga musi hatanihabo man gymaia. <sup>5</sup> Ar bytamai oraha gymangsisiaba kusi dangfuiakha, baini lumiarau ni sauha iaurihi mamang bonisikho hamrikha.

<sup>6</sup> Ar bytamai bonisi loniabani gyma-  
ngkha.

Ar bytamai serser giding nolai nolaiha  
tanghi subrungkha.

<sup>7</sup> Ar bytamai bo jignikho rugungha ju-  
ruhi gini gini bojor khylaihi bonisikho hai-  
rukha; ar bytamai bonisikho simangnisini  
bysauha rautai rikha; <sup>8</sup> ar bonisikho sani-  
kha, lamani khylaihi godani binaga musikho  
da la; honbo, jolibo, batuaha poisa giri;  
<sup>9</sup> tikabo iegaha iafadab ga: ar angorkha  
grang gini da tu. <sup>10</sup> Ar bytamai boni-  
sikho tikha, Nisi isaba noha habkhade, orani  
prang tangiasi oranu dong. <sup>11</sup> Ar jar  
hatani nisikho laiare, ar nisini gyrau kha-  
naiare, orani prang tangbani khaluha bo-  
sini bysauha saki-lai nisi jar jarni iafaduri  
tishahi dangkhylai. <sup>12</sup> Ar bonisi baigohi,  
subung kha-sylaitung, ebo baikha. <sup>13</sup> Ar  
bonisi gybang simang sygaukha, ar lu-  
miarau gybangkho tau hukha ar ham-  
rikha.

<sup>14</sup> Ar Herod raja eboni gyrau kha-  
nakha; sumune bytamaini bumu baigoba:  
ar bytamai tikha, Baptis khylaiaba Joannis  
subung-githirauni prang bajadu, edebaninu

ebo kurub gymangsisiba kusi bytamaiha dang-jaudu. <sup>15</sup> Tikabo mylairau tikha Bytamai Eleias. Ar gubunrau tikha, Bytamai khandidiaba sausi niakhade khandidia-balaiaba subung sausi. <sup>16</sup> Tikabo Herod ebo khanahi tikha, Ang jar Joannisni khoro soba bytamainu bajakha. <sup>17</sup> Sumune Herod jarni dafung Philipni bihi Herodiasni khylaihi subungkho haihi Joannis-khorumhi morongha khahi dengba : sumune bytamai bokho jukuba. <sup>18</sup> Sumune Joannis Herodkho tiba, Namaini dafungni bihikho namai matauma nangia. <sup>19</sup> Ar Herodias bytamaini namfang jahi gakukha, ar bokho sytaima mujungkha; tikabo bylaiakha; <sup>20</sup> sumune Herod Joanniskho dormoni ar gytar subung tihi khinba, ar bytamaikho afodha fynangiahi dengkha. Ar jekhali bytamai bytamaini gyrau khanakha, bohanu gybangkha udbud jakha ar kazahi khanakha. <sup>21</sup> Ar sarangbaha Herod jarni hajaiba bysaingha jarni gederaukho ar synabidiraukho ar Galilaini gederaukho bandera kongsi jiriba; <sup>22</sup> ar Herodias-ni jarni busu faihi bhahi Herodkho ar bytamaini lugu jibaha khamiaraukho khazariba; boha raja bo ansakho tikha,

Nung mujungbalailai aniha saing, ang nune rinang. <sup>23</sup> Ar bytamai symaidangkha, Nung aniha saingnang, rajini gejer sosi nune rinang. <sup>24</sup> Ar bo bajiha tanghi bumakho sungkha, Ang sumukho saingma? Bytamai tikha, Baptis khylaiaba Joannis-ni bokhro. <sup>25</sup> Ar bo tab synga rajani rugungha faihi ede tihi saingkha Ang saingdu synga baptis khylaiaba Joannis-ni bokhro kofraha denghi ane ri. <sup>26</sup> Ar raja gybangnu kha duku nangkha; tikabo jarni symaini ar jibaha khamiarauni khylaihi bokho gyrau pinrima naiakha. <sup>27</sup> Ar raja tab saugyba sausikho bytamaini bokhro laihima sanikha, <sup>28</sup> ar bo morongha tanghi bytamaini bokhro sohi kofraha dengdada labuhi bo ansane rikha; ar ansa bokho bumane rikha. <sup>29</sup> Ar bytamaini sisirau ebo gyrau khanaba khaliha faihi bytamaini bumangkho langhi pubkha.

<sup>30</sup> Ar apostolrau Jisuniha faihi gataisi jakha; ar bonisi sumu sumukho khylaiba ar sumu sumukho subrungha kurubkhobo bytamaikho tikha. <sup>31</sup> Ar bytamai bonisikho tidu, Nisi mamang hagraha fai, ar kisa lengo. Bedéhe subung gybang tangba faiba, bonisi jimanibo hermaiba giri. <sup>32</sup> Ar bytamaitu

mamang rung jang hagraha tangkha. <sup>33</sup> Ar subung gybang bytamaitukho tangba nuhi bysau mitiba, ar bonisi kurub nolaimani prang iega jang khaihi tangdada oraha bytamaituni sygangha sohiba. <sup>34</sup> Ar bytamaibaigohi gybang subungkho nukha, ar bonisi bogobra giri-iaiaba melmalai tihi bonisini bysauha khasaukha : ar bytamaibonisikho gybang bytai subrungrukha. <sup>35</sup> Ar saingbliha bytamaini sisirau faihi bytamaikho tikha, Ebo hagrased, ar saingbojorodidi jakha : <sup>36</sup> ebonisikho haigarha, ebonisi serser giding nolai ar nolaisaha tanghi jar jarni khylaihi jimukisa byraifugotai. <sup>37</sup> Tikabo bytamaibonisikho tipinkha, Nisinu ebonisikho jiri. Bonisitudu, Jung tangdada dinar ryja-gnini hon byraibuhi ebonisine jirima ? <sup>38</sup> Ar bytamaibonisikho tidu, Nisiniha hon ferbisi dong ? tang naitasai. Bonisimitibaha tidu, Hon ferbua ar na magni dong. <sup>39</sup> Ar bytamaibonisikho sanikha, Kurubbo samgakhrangni bysauha butu butu jang khamtung. <sup>40</sup> Ar bonisiryjasi ryjasi ar dan dan khylaihi byren byren khamkha. <sup>41</sup> Ar bytamaibo hon ferbua ar na magni

lakha, ar shorgo gyde naikuhi bykhan khy laikha, ar hon sybaihi subungnisine suarjamani sisiraune rikha; ar bo na mag-nikhobo bonisi kurubneta ronrikha. <sup>42</sup> Ar kurub subung jiji gysaingkha. <sup>43</sup> Ar bonisi buduri jang gyblaiaba kamflu jigni ar nani prang sugulakha. <sup>44</sup> Ar subung rijing bua bo honkho jiba.

<sup>45</sup> Ar bytamai bohanu sisiraukho rungha gahi Bethsaida - narha sygang tangrima naikha, jekhali bytamai subungnisikho hairukha. <sup>46</sup> Ar bytamai subungnisikho haihahi bimani khy laihi hajuha tangkha. <sup>47</sup> Ar murgusumbaha rung sagir gejerha dongba, ar bytamai sau-jang hagungha dongba. <sup>48</sup> Ar bar sipinbani rung jaubaha bosini duku nuhi, horni forbri jadidibaha, bytamai sagir bysau gyde himhi bosiniha tangdu; ar bytamai bonisikho garhi tang-mamu: <sup>49</sup> tikabo bonisi bytamaikho sagir bysauba himba nuhi simang bauhi juru-kaukha: <sup>50</sup> sumune bonisi kurubbo byta-maikho nuhi khinba. Tikabo bytamai bohanu bonisini lugu gyrau jokha ar bonisikho tidu, Kha prau, angse, da khin. <sup>51</sup> Ar bytamai rungha bonisiniha gakha;



boha bar taukha : ar bonisi khaha gymangtau-fuiasi gymangkha ; <sup>52</sup> sumune honni bytai bonisi mitisoba giri, tikabo bonisini kha haram jaba.

<sup>53</sup> Ar dibaihi bytamaitu Gennesaret rajiha faihi rung sybakha. <sup>54</sup> Ar bytamaitu rungni prang baigobahanu subungnisi tab bytamaikho mitikha, <sup>55</sup> ar kurub raji serser gidingha khaikha, ar lumiaraukho khamflai bysauba denghi bytamai byraha dongba khanakha, oraha bainghi labukha. <sup>56</sup> Ar nolaiha, nolaimaha bytamai byraha tangre oraha subung lumiaraukho hataiha labuhi dengkha, ar bonisi bytamaini rirybai mamang gudung-fugotai ede bikha : ar bisi subung bytamaikho gudungkha kurubbo hamkha.

## VII

<sup>1</sup> Ar Pharisirau ar baini rebiarau bytamaini rugungha gataisi jakha, bonisi Jerusalemni prang faiba ; <sup>2</sup> ar bytamaini baini sisiraukho iau syba jang, dabo, iausuiahi hon jiba nuba. <sup>3</sup> Sumune Pharisirau ar Jiurau, gydagyrrarauni gyraukhandi manihi,

hamsisi iau shuiahi jia : <sup>4</sup> ar hataini prang faikhade digruiahi jia : ar dara gubun gubun bonisi manima nangre tihi maiba, ede, ara, bela, ar pitlaini bani huba. <sup>5</sup> Ar bo Pharisirau ar rebiarau bytamaikho sungdu, Namaini sisiraula sumune gyrarauni daralai dongiahi iau-syba jang hon jire? <sup>6</sup> Ar bytamai bonisikho tikha, Nisi tenton, nisini bytaikho Esaias hamsisi gyrau tilangba, rebba dongbalai,

Ebo subungnisi kujerha angkho man khylaire

Tikabo ebosini kha ani prang jaingbi

<sup>7</sup> Ar edenu angkho bikymare

Sumune subungnisini bylam dormo sulungma tihi subrungre.

<sup>8</sup> Nisi Ishorni sanitai garhi subungnisini dara manire. <sup>9</sup> Ar bytamai bonisikho tikha, Nisi jarni darakho mytaumani khylaihi Ishorni sanitai gybangnu maniadu. <sup>10</sup> Sumune Moses tikha, Nyma nyfakho man khylai; ar, Jar sere mafakho musure bo thitung: <sup>11</sup> tikabo nisi tire, Subung buma bufakho tire tikhade, Sumu kisa ani prang nisini hamba jafuremu, bo Korban, dabo Ishorne risojaukha; <sup>12</sup> nisi bokho bufani

ar humani khylaihi pinhi musibo khylairia ;  
<sup>13</sup> nisi jar jarni prang faiaba dara iauaihi  
 Ishorni gyrau khymadu : edelai arbo gybang  
 kusi nisi dangre. <sup>14</sup> Ar bytamai subungni-  
 sikho pinhi rugungha juruhi tikha, Nisi  
 kurub ani gyrau khana ar khamau hab :  
<sup>15</sup> subungni bajiha edelai musibo giri jar bi-  
 singha tanghi bokho gusu khylaifure : <sup>16</sup> ti-  
 kabo jar jar subungni prang baigore, bonu  
 subungkho gusu khylaire. <sup>17</sup> Ar bytamai  
 subungnisini prang noha habbade byta-  
 maini sisirau bytamainiha bo daugarikho  
 sungkha. <sup>18</sup> Bytamai bonisikho tidu, Ni-  
 sibo isi jabla? nisi khamau habia je sumu  
 bajini prang subungni bisingha tangre, bo  
 bokho gusu khylaifuia ; <sup>19</sup> sumune bode boni  
 khaha habia, tikabo hoha tangre, ar baigohi  
 bajiha tangre? Eboha bytamai kurub jim-  
 kho gytar tikha. <sup>20</sup> Ar bytamai tikha,  
 Subungni prang bo baigore, bo subungkho  
 gusu khylaire. <sup>21</sup> Bede bisingni prang,  
 subungni khani prang hamiaiaba bautai,  
 langni lingua, khautai, subung sytaitai,  
<sup>22</sup> mylai jang gyzaitai, libitai, hamiatai, to-  
 kitai, lingua jatai, musmai naitai, musutai,  
 agorbo, jabla jatai baigore : <sup>23</sup> ebo kurub

hamiaiaba bytai bisingni prang baigore, ar subungkho gusu khylaire.

<sup>24</sup> Ar orani prang bajahi bytamai Tyros ar Sidon-ni gyde tangkha. Ar no grangsiha habkha, ar sausibo bytamaikho mitiagotai bytamai mujungkha: ar bytamai tumhi dongfuiakha. <sup>25</sup> Tikabo bohanu mysaingju sausi, boni busu gidiba simang maiba, bytamaini gyrau khanahi faidada bytamaini iegaha gylaikha. <sup>26</sup> Bo mysaingju Grik, Syrophoinikia bosongni. Ar bo bytamaikho bikha, bytamai boni busuni simang rukhaurigotai. <sup>27</sup> Ar bytamai bokho tikha, Sygang nanarau hogyblaigydatung: sumune nanarauni hon lahi sisanisine dangkhylaiba hamia. <sup>28</sup> Tikabo bo bytamaikho tipinkha. Ah, Gabra: mejni bykhlaha agursanisibo nanarauni honni buduri gylaiabakho jire. <sup>29</sup> Ar bytamai bokho tikha, Ebo gyrauni khylaihi tang; nusuni prang simang baigokha. <sup>30</sup> Ar bo jarni noha tangkha ar naikha, ansa tutaniha tuhi dong ar simang gaukha.

<sup>31</sup> Ar bytamai pinhi Tyros rajini prang tangdada Sidon gyde tanghi Dekapolisni hari gyde Galilaia sagir rugungha faikha.

<sup>32</sup> Ar bonisi bytamainiha subung sausikho

labudu, bo natong ar abra; ar bonisi byta-  
 maikho boni sauha iaurima bidu. <sup>33</sup> Ar  
 bytamai bokho butuni prang khaikohi, su-  
 bung giriabaha langhi tangkha, ar boni  
 khamau grang-gniha jarni iausi rikha, ar  
 kudi tukhlaikha, ar boni sylai gudungkha;  
<sup>34</sup> ar nokhasau gyde naihi hangma suhi  
 bokho tidu, Ephphatha, dabo gubrunlang.  
<sup>35</sup> Ar boni khamau gubrunlangkha, ar  
 boni sylaini dukhato gubrukha, ar bo srung  
 srung gyrau jofairukha. <sup>36</sup> Ar bytamai bo-  
 nisikho sanikha, bonisi ebokho sausinebo  
 tiagotai; tikabo bytamai bonisikho bisilai  
 manakha usilai bonisi baise baidaukha. <sup>37</sup> Ar  
 bonisi gymangtaufuiasi gymanghi tikha,  
 Bytamai kurubbo hamsisi khylaikha: byta-  
 mai natongkhobo khanarire, abrakho gyrau  
 jorire.

## VIII

<sup>1</sup> Ar bo bubliha subungnisi pinhi gybang  
 gutumhi bosini musi jimubo giri, bytamai  
 jarni sisiraukho rugungha juruhi tidu, <sup>2</sup> Ebo  
 subungnisikho ang khasaudu, sumune ebo-  
 nisi dini jang nokha saing gytamni prang

ani lugu dongba, ar ebonisiniha kisabo jimu giri : <sup>3</sup> ar ang ebonisikho jiriahi noha haihakhade ebonisi lamaha mangsing nang-nang ; ar ebonisini sereba sereba gyjaingni prang faiba. <sup>4</sup> Ar bytamaini sisirau bytamaikho tipinkha, Byrani prang sere hagraha hon byraihi ebo subungnisine gyblairifunang ? <sup>5</sup> Ar bytamai bonisikho sungkha, Nisiniha hon fersbi dong ? Bonisi tikha, Fersni. <sup>6</sup> Ar bytamai subungnisikho hahakhamma sanidu : ar bo hon fersni lahi bykhan khylaidada sybaihi sisiraune rikha ; ar bonisi subungnisine ronrikha. <sup>7</sup> Ar bosiniha nasa baini dongba : ar bytamai bykhan khylaidada bonisine ronrima sanikha. <sup>8</sup> Ar bonisi jikha ar hogyblaikha : ar bonisi hagliaba buduri kamflu sini sugulakha. <sup>9</sup> Ar bonisi ryjingbrilai : ar bytamai bonisikho haigarhakha. <sup>10</sup> Ar bohanu bytamai sisirau jang rungha gakukha, ar Dalmanutha rajiha faikha.

<sup>11</sup> Ar Pharisirau bajiha faihi bytamai jang nialairukha, bytamaikho naigrumani khylaihi bytamainiha nokhasauni prang iaublai mungsi symaikha. <sup>12</sup> Ar bytamai byseha hangma suhi tidu, Duni subungnisila

sumune iaublai symaidu ? ang nisikho gi-  
binu tidu, Duni subungnisine musi iaublai  
rijaunang nia. <sup>13</sup> Ar bytamai bonisikho  
garhi pinhi rungha gahi dinarha tangkha.

<sup>14</sup> Ar bonisi hon langma bylauba ; ar  
rungha bonisini lugu fersini bara hon giri.  
<sup>15</sup> Ar bytamai bonisikho sanikha, Gurula,  
Pharisirau ar Herodni temra-bidini prang  
guruhi dong. <sup>16</sup> Ar bonisi sausi jang sausi  
nialaihi tikha, Jiniha hon giri. <sup>17</sup> Ar Jisu  
bokho mitihi bonisikho tidu. Hon giri tihi  
nisi sumune nialaidu ? nisi dasibo mitiako,  
niakhade khamau habiako ? nisini kha haram  
jakha ? <sup>18</sup> Mu donghibo nisi nuia ? kha-  
mau donghibo khaiaia ? ar khahabo bau-  
fynangia ? <sup>19</sup> Sumu bubliha ang subung  
ryjingbũani bisingha hon ferbũa sybaiba,  
ar nisi buduri busuri jang khamflu bisi gy-  
blairihi suguba ? Bonisi bytamaikho tidu,  
Kamflu jigni. <sup>20</sup> Ar ryjingbri subungni  
bisingha fersinini khaliha buduri jang gy-  
blaihi khamflu sibi sugulaba ? Bonisi byta-  
maikho tidu, Sini. <sup>21</sup> Ar bytamai bonisikho  
tikha, Duhabo nisi khamau habiako ?

<sup>22</sup> Ar bytamaitu Bethsaidaha faidu. Ar  
bonisi bytamainiha gana sausikho labudu,

ar bokho gudungmani bytamaikho bidu.  
<sup>23</sup> Ar bytamai bo ganani iau rumhi nolaini  
 baiha tangkha; ar boni muha kudi tufraihi,  
 sauha iaurihi sungkha, Kisa nuduti? <sup>24</sup> Bo  
 naikuhi tikha, Subungkho nudu; sumune  
 bongfangnisi daubaibalai nudu. <sup>25</sup> Boha  
 bytamai pinhi boni muha iaurikha; ar bo  
 naigrukha, hamkha, ar kurub banikho surung  
 surung nukha. <sup>26</sup> Ar bytamai bokho boni  
 noha haihahi tikha, Nolaiha dabo dahabsi.

<sup>27</sup> Ar Jisu ar bytamaini sisirau Kaisarea  
 Philippini nolainisiha tangkha: ar lamaha  
 bytamai jarni sisiraukho sungghi bonisikho  
 tikha, Ang sere, subungnisi sumu tidu?  
<sup>28</sup> Bonisi bytamaikho tikha, Baptis khylai-  
 aba Joannis: ar gubunrau, Eleias: gubun-  
 rau, Khandidiabarauni bisingni sausi. <sup>29</sup> Ar  
 bytamai bonisikho sungkha, Ang sere, nisi  
 sumu tidu? Petros tipinhi bytamaikho  
 tidu, Namai bo Khrist. <sup>30</sup> Ar bytamai  
 bonisikho sanikha, bonisi bytamaini bytaiha  
 sausinihabo tiagotai. <sup>31</sup> Ar bytamai boni-  
 sikho subrungrukha, subung Bysakho gy-  
 bang duku nangma gylainang, ar gyrarau,  
 jontaimarau ar rebiarau jang lonjauianang,  
 ar sytaijauma gylainang, ar saing gytam



iahungha bajapinma gylainang. <sup>32</sup> Ar ebo gyraukho bytamai srung srung tikha. Ar Petros bytamaikho saisi gyde langhi tangdada sigringkha. <sup>33</sup> Tikabo bytamai naipinhi jarni sisiraukho nuhi Petroskho sigringkha ar tidu, Hasong, ani iahungha tang; sumune nung Ishorni bytaikho bau-ahi subungni bytaikho baudu.

<sup>34</sup> Ar bytamai subungnisikho ar jarni sisiraukho rugungha juruhi tikha, Sereba ani iahungha faima naikhade, bo jarkho gartung ar jarni daubra sugulahi ani iahung rutung. <sup>35</sup> Bedehe sere jarni hang my-tangma naire bo bokho gymajaunang; ar sere ani ar hamba gyrau-zymani khylaihi jarni hang kymare, bo bokho mythangnang.

<sup>36</sup> Bedehe kurub habsau maihi jarni hang gymakhade subungni sumu hamdau? <sup>37</sup> Sumune subung jarni hangni sylai sumukho rinang? <sup>38</sup> Bedehe sere dunikhalni langni languarau ar papirauni bisingha angkho ar ani gyrau lajini bytai baunang, subungni Bysa dauga gytar-rauni lugu Bufani man-jang faibakhalaha bokho lajini bytai baunang.

## IX

<sup>1</sup> Ar bytamai bonisikho tikha, Ang nisi-kho gibinu tidu, Eraha songiarauni bisingha elai sere sere dong, jar jar Ishorni raji rautai jang jaba nuiahi musi gydebo thibani tautai mainang nia.

<sup>2</sup> Ar saingdoni iahungha Jisu, Petros Jakob ar Joanniskho lugu lahi, siri siriaba haju gujubaha bonisikho mamang langhi tangdu : ar bonisini syganga bytamai saupairikha : <sup>3</sup> ar bytamaini ri zynafyla ar gybang gufu jakha ; fertini sausi dobabo olai purifuia. <sup>4</sup> Ar Mosesni lugu Eleias bonisikho punukha : bytamaitu Jisuni lugu sainglaiba. <sup>5</sup> Ar Petros tipinhi Jisukho tidu, Rabbi, eraha jung dongba hambi : jung no grangtam dangnang, namaini grangsi, Mosesni grangsi ar Eleiasni grangsi. <sup>6</sup> Bedehe sumu tipinma nangnang, bokho mitia ; sumune bonisi gybangnu khinba. <sup>7</sup> Ar jymi klabsi faihi bonisikho saingklum khylaikha : ar jymini prang ede kurang faikha, Ebo ani khasaujauiba Bysa : nisi eboni gyrau khana. <sup>8</sup> Ar tab serser

giding naihi bonisi Jisuni binaga jar jarni lugu sausikhobo nuiakha.

<sup>9</sup> Ar hajuni prang akhaibubaha bytamai bonisikho sanikha, bonisi sumu sumu nukha, subung Bysa githirauni prang bajapiniasi bokho sausinihabo tiagotai. <sup>10</sup> Ar githirauni prang bajapiniaba, ebo gyraukho khaha mytauhi ebo gyrau sumu jar jarni bisingha sunglaikha. <sup>11</sup> Ar bonisi bytamaikho sungghi tikha, Rebiarau tidu je sygangtau Eleias faima gylainang. <sup>12</sup> Bytamai bonisikho tikha, Eleias sygangtau faihi kurub dengpinre : ar sumu bedehe subung Bysani gyrau rebba dong, bytamai gybang duku maima ar guijauma gylainang? <sup>13</sup> Tikabo ang nisikho tidu, Eleias faibamu, ar bytamaini bytaiha belai rebba dong, olainu bonisi bytamainiha mujungbalai khylaikha.

<sup>14</sup> Ar bytamaitu sisirauniha faihi nukha, bosini serser giding subung gybang dong, ar rebiarau bosini lugu nialaikha. <sup>15</sup> Ar bytamaikho nuba-jangnu kurub subung gybang gymangkha, ar kaidada tanghi bytamaikho kulumkha. <sup>16</sup> Ar bytamai bonisikho sungkha, Nisi bonisini lugu sumuni nialaidu?

<sup>17</sup> Subungnisini bisingha sausi bytamaikho

tipinkha, Hoja, ani bysakho namainiha labuba, bo abra bysekho maikha; <sup>18</sup> ar bo jarha bokho rumre oraha bokho sutaire: boni ku gyde kudi baigore, bo hatai uaire, ar rainglangre: namaini sisiraune bokho sygauma tikha, tikabo bonisi bylaiakha. <sup>19</sup> Ar bytamai tipinhi bonisikho tikha, O loniaiaba bosong, ang bisilai nisini lugu dongnang? nisikho bisi soinang? bokho aniha labu. <sup>20</sup> Ar bonisi bokho bytamainiha labukha: ar bytamai bokho nubahanu bo byse bokho rausi derkha: ar bo haha gylaikha ar bukudi baigohi baigohi rognbaikha. <sup>21</sup> Ar bytamai boni bufakho sungkha, Eboni edelai jaba saing bisi laukha? Ar bo tikha, Ansani prang. <sup>22</sup> Ar alang alang bo ebokho sytaimani khylaihi uaiha diha dangsengkha: tikabo namai isaba khylaifukhade jungkho khasauhi jurru. <sup>23</sup> Jisu bokho tikha, Namai bylaikhade! jar lonre bo kurubkho bylaire. <sup>24</sup> Bohanu bo ansani bufa jurukauhi tikha, Ang londu; ani loni-ataikho jurru. <sup>25</sup> Ar subungnisi lugusi khaibuba nuhi Jisu bo byse gusukho sigringhi tikha, Nung abra ar natong byse, ang nungkho sanidu eboni prang baigolang ar

musi khalibo eboha da habsi. <sup>26</sup> Ar bo jurukauhi bokho gybang derhi baigolangkha: ar ansa githilai jakha; isi sumu bangdaunu tikha, Bo thikha. <sup>27</sup> Tikabo Jisu boni iau rumhi bokho sugubade; ar bo bajakha. <sup>28</sup> Ar bytamai noha faibade bytamaini sisirau mutumha bytamaikho sungkha, Jungla bokho sygaufuba giri. <sup>29</sup> Ar bytamai bonisikho tikha, Ebo jadi bitaini binaga ar musi jangbo baigoia.

<sup>30</sup> Ar bytamaitu orani prang tanghi Galilaiani gejer gyde tangkha; ar bytamai sausi jangbo bokho mitijauma mujungia. <sup>31</sup> Bedehe bytamai jarni sisiraukho subrungkha, ar bonisikho tikha, Subung Bysa subungnisini iauha iaupajaudu, ar bonisi bytamaikho sytainang; ar sytaijaubani nokha saing gytamni iahungha bajapinnang. <sup>32</sup> Tikabo bonisi bo gyrau khamau habia, ar bytamaikho sungma khinkha.

<sup>33</sup> Ar bytamaitu Kapharnaumha faikha: ar noha sofaihi bytamai bonisikho sungkha, Lamaha nisi sumuni gyrau nialaiba? <sup>34</sup> Tikabo bonisi puru puru dongkha: sumune lamaha sausi jang sausi, sere dedau, ebokho nialaiba. <sup>35</sup> Ar bytamai khamhi bo

jignikho jurukha ; ar bonisikho tidu, Sereba sygang jama naikhade bo kurubni iahungha dongnang ar kurubni suar janang. <sup>36</sup> Ar bytamai nana sausikho lahi bosini bisingha songrikha : ar bokho bamhi bonisikho tikha, <sup>37</sup> Jar sere elaiaba nanarauni sausikho ani bumuha lare, bo angkhonu lare : ar angkho jar lare, bo angkho nia, tikabo angkho haihaiabakho lare.

<sup>38</sup> Joannis bytamaikho tikha, Hoja, jung namaini bumuha subung sausi simang syga-uba bokho nukha ; bo jini iahung ruia tihi jung bokho manakha. <sup>39</sup> Tikabo Jisu tikha, Bokho da mana : sumune ani bumuha rautaini kusi danghi syrabnu angkho sijifure, elai sausibo giri. <sup>40</sup> Sumune jar jini harandiaba nia, bo jini lugu. <sup>41</sup> Sumune asababo nisikho Khristni tidada lungmani di belasi rinang, ang gibi tidu, bo musi gydebo jarni maipaing kymanang nia. <sup>42</sup> Ar asaba, ebo kasebarau jar jar angkho lonre, bonisini bisingha sausikhobo kuda rire, boni godoha longtai gedeba kapahi bokho sagirha dangsengkhobo boni gyde hamdau. <sup>43</sup> Ar nini iau nungkho dubun rikshade, bokho daingso ; <sup>44</sup> iau gong-gni lahi norok-ha,

thiaiaba uaiha tangbatane iaugojo jahi hangha habba nuneta hamdau. <sup>45</sup> Ar nini iega nungkho dubunkhade bokho daingso; <sup>46</sup> iega gong-gni lahi norok-ha tangbatane lengra jahi hangha habba nuneta hamdau. <sup>47</sup> Ar nuni mu nungkho dubun rikhade bokho khaikohi dangkhylai: <sup>48</sup> mu tai-gni langhi norok-ha,—jarha bosini iung thia, uai thia, dangsengjauba-tane mutaisi lahi Ishorni rajiha habba nuni hamdau. <sup>49</sup> Bedehe kurubbo subung uai jang semgynang janang. <sup>50</sup> Sem hambu, tikabo semni byrabtai tangkhala, nisi sumu jang bokho nangrinang? Nisi jar jarni bisingha sem mytau, ar sausi jang sausi gysainghi dong.

## X

<sup>1</sup> Ar bytamai orani prang gakulanghi Judaiani hariha ar Jordan narha faidu: ar subungnisi pinhi bytamainiha gutumdu; ar bytamai jarni dara jang pinhi bonisikho su-brungkha. <sup>2</sup> Ar Pharisirau bytamainiha faihi sungkha, Miala jarni bihikho gar nangre? <sup>3</sup> Ar bytamai tipinhi bonisikho tikha,

Moses nisikho sumu sanikha? <sup>4</sup> Ar bonisikho tikha, Moses laisi rebkauhi garma tiba. <sup>5</sup> Tikabo Jisu bonisikho tikha, Nisini kha haram jabani bytamai nisini khylaihi ebo sanitai rebba. <sup>6</sup> Tikabo sangsaijenbani prang, Bytamai mia mysaingju khylaihi bonisikho sangsaikha. <sup>7</sup> Edebani subung jarni mafakho garnang, ar jarni bihini gyde kha tangnang, <sup>8</sup> ar bo gini sau masi janang: elai bonisi ar gini nia, sausi. <sup>9</sup> Odebani Ishor jarkho fynangkha, subung bokho da sygautung. <sup>10</sup> Ar sisirau noha bytamaikho pinhi ebo bytaikho sungkha. <sup>11</sup> Ar bytamai bonisikho tidu, Jar sere jarni bihikho garhi gubunkho jukure, bo boni gyde langua kusi dangkha: <sup>12</sup> ar bobo jarni bysaikho garhi gubun sausikho jukure, bo langni jare.

<sup>13</sup> Ar bonisi nanaraukho bytamaini rugungha labukha, bytamai bonisikho gudungotai: ar sisirau bonisikho sijikha. <sup>14</sup> Tikabo Jisu bokho nuhi tamsi baigokha, ar bonisikho tikha, Nanaraukho aniha fairi, da mana; sumune Ishorni raji elaiabanisini. <sup>15</sup> Ang nisikho gibinu tidu, Jar sere Ishorni raji nanalai laianang, bo musi gydebo boha habmainang nia. <sup>16</sup> Ar bytamai bonisikho



bamhi bosini sauha iau rihi bykhan khy-laikha.

<sup>17</sup> Ar bytamai lamaha baigobaha sausi bytamainiha khaibuhi, bytamaini syganga iasgu tuhi sungkha, Hoja hamba, tauiaiaaba hangni maimani khylaihi ang sumu khy-laima? <sup>18</sup> Jisu bokho tikha, Nung angkho sumune hamba tidu? sausi, dabo Ishorni binaga sausibo hamba nia. <sup>19</sup> Nung sanitaikho mitidu, Subung da sytai, langua langni da ja, Da khau, Mosol saki da ri, Da toki, Jarni mafakho man khylai. <sup>20</sup> Ar bo bytamaikho tikha, Hoja, ansani prang ang edebanisikho manikha. <sup>21</sup> Ar Jisu boni gyde naihi bokho khajakha ar tikha, Nuni mungsi soia: tang, nuni jar kurub dong bokho fainghi dukisaraune ri, ar nung shorgoha pantar mainang: ar fai ani iahung ru. <sup>22</sup> Tikabo ebo gyrauha bo mukhang sumkha, ar duku nanghi tanglakha: sumune bo gybang gynang.

<sup>23</sup> Ar Jisu serser giding naihi jarni sisi-raukho tidu, Gynangrau Ishorni rajiha habba sumusi duba! <sup>24</sup> Sisirau bytamaini gyrauha gymangkha. Tikabo Jisu tipinhi bonisikho tidu, Afarau, jar jar donni bysauha jerre,

Ishorni rajiha habba bosini khylaihi sumu dhubi! <sup>25</sup> Gynangrau Ishorni rajiha habbatane, mibonga simi bufu gyde tangba laidau.

<sup>26</sup> Ar bonisi gymangtaufuiasi gymangdada bytamaikho tikha, Tikhala sere gofunang?

<sup>27</sup> Jisu bonisini gyde naihi tidu, Ebo subungni bylaia-gnaiaba, tikabo Ishorni nia; sumune Ishor kurubkhobo bylai-gnaiaba.

<sup>28</sup> Petros bytamaikho tirukha, Nai, jung kurubkho garhi nymaini iahung rukha.

<sup>29</sup> Jisu tikha, Ang nisikho gibinu tidu, Ani khylaihi ar hamba gyrau-zymani khylaihi, no, dafung, bihandau, mafa, bysa, niakhade ha garhi, <sup>30</sup> duha habsauha khajengbani lugu lugu, banta banta ryjasi, no, dafung, bihandau, ma bysa ar ha, ar dambraha tauiaiaba hang mainang nia, elai sausibo giri. <sup>31</sup> Tikabo jar jar sygangtau bosini gybangnu ia hungha gylainang; ar jar jar iahungni bonisi sygang janang.

<sup>32</sup> Ar bonisi Jerusalemha tangbliha lamaha dongba; ar Jisu bosini sygang sygang tangba; ar bonisi gymangkha: ar jar jar iahungba faiba bonisi khinkha. Ar bytamai pinhi bo jignikho lahi jarniha sumu sumu janang, bonisikho tirukha, <sup>33</sup> Nai, jung Jerusalemha

tangdu ; ar subung Bysa jontaimarau ar re-  
 biarauni iauha iaupajaunang ; ar bonisi byta-  
 maikho sytainang, ar gubun jadini iauha  
 iaupanang ; <sup>34</sup> ar bonisi bytamaikho biajinang,  
 ar bytamaini sauha khudi tupranang, ar by-  
 tamaikho shunang, ar sytainang : ar saing  
 gytam-ni iahungha bytamai bajapinnang.

<sup>35</sup> Ar Zebedaiosni bysa Jakob ar Joannis  
 bytamainiha faihi tidu, Hoja jung mujungdu  
 jung nymainiha jarkho saingnang, bokho jini  
 khylaihi khylainang. <sup>36</sup> Ar bytamai boni-  
 sikho tikha, Ang nisini khylaihi sumu khy-  
 lainang, nisi sumukho mujungdu ? <sup>37</sup> Ar  
 bonisi bytamaikho tikha, Sani, nymaini mui-  
 ma jang nymaini iaugydaha sausi ar iausiha  
 sausi khamfugotai. <sup>38</sup> Tikabo Jisu boni-  
 sikho tikha, Nisi sumukho saingdu, bokho  
 mitia. Ang jar bokoha lungdu bokho nisi  
 lungfure, niakhade ang jar baptism-ha baptis  
 jakha bo baptismha nisi baptis jafure ? <sup>39</sup> Ar  
 bonisi bytamaikho tikha, Bylaire. Ar Jisu  
 bonisikho tikha, Ang jar bokoha lungre  
 nisibo lungnang ; ar ang sumu baptismha  
 baptis jakha, nisi boha baptis janang :  
<sup>40</sup> tikabo ani iaugydaha niakhade ani iau-  
 siha khamrima ang bylaia ; tikabo jar jarni

khylaihi bo sylvamjaukha bosini khylaihi dong. <sup>41</sup> Ar bo ji ebo gyrau khanahi Jakob ar Joannisni gyde tamsi baigorukha. <sup>42</sup> Ar Jisu bonisikho rugungha juruhi tidu, Nisi mitire, jar jar gubun jadini bogobra tili saingpajaure, bonisi bosini bysauha bogobra jare; ar bonisini dedauiarau bonisini bysauha dongre. <sup>43</sup> Tikabo nisini bisingha olai nia, jar sere nisiniha gede jama naire, bo nisini iausra janang; <sup>44</sup> ar jar sere nisini bisingha sygang jama naire, bo kurubni leng janang. <sup>45</sup> Bedehe gibinu subungni Bysa seba khy-laijauma faia, tikabo seba khy-laimani ar gybangni gotaini besenglai jarni hang rima faiba.

<sup>46</sup> Ar bonisi Jerikoha faidu: ar sisirau ar subung gybangni lugu Jerikoni prang bytamai baigobaha Timaiosni bysa, Bartimaios tiaba bibai-jiaba gana sausi, lamani rugungha khamhi dongba. <sup>47</sup> Ar jekhali bo khanaba bytamai Nazaretni Jisu, boha jurukhauhi tidu, O Jisu Davidni bysa, angkho khasau. <sup>48</sup> Ar subung gybang bokho hokha, bo puru puru dong-gotai; tikabo bo arbo jurukhauhi tikha, O Davidni bysa, angkho khasau. <sup>49</sup> Ar Jisu songkha, ar

tikha, Bokho juru. Ar bonisi bo ganakho juruhi tidu, Asa ja, baja, bytamai nungkho jurudu. <sup>50</sup> Ar bo jarni ri dangkhylaihi baitlimbi bajakha ar Jisuni rugungha faikha. <sup>51</sup> Ar Jisu tipinhi bokho tikha, Nuni khylaihi ang sumu khylainang, nung sumu saingdu? Ar gana bytamaikho tikha, Rabboni, ang nugotai. <sup>52</sup> Ar Jisu bokho tikha, Tang, nuni lontai nungkho hamrikha. Ar tab bo nukha ar lamaha bytamaini iahung-rukha.

## XI

<sup>1</sup> Ar bytamaitu Jerusalemha, Bethphage ar Bethanianiha, Bongkangkrai hajuni khar-tiha sofaibaha bytamai jarni sisirauniginikho haidu <sup>2</sup> ar bonisikho tidu, Nisini sygangni bo nolaiha tang: ar ora habbahanu, jarni bysauha musi khalibo gaba giri, elaiaba gada bysa masi khahi dong nunang, bokho kurubi labu. <sup>3</sup> Ar sereba nisikho tikhade, Sumune khylaiba? nisi ti, Ebo jang Gybrani kusi nangdu; ar bo bohanu bokho eraha hai-pinnang. <sup>4</sup> Ar bonisi tangkha ar dergani bajiha, lamaiungha gada bysa masi khahi

dongba maikha : ar bonisi bokho kurukha.  
<sup>5</sup> Ar jar jar oraha songba bonisini sereba sereba tikha, Gada bysakho kuruhi sumu khyलाई ? <sup>6</sup> Ar Jisu bedelai tiba, bonisi ode tikha ; ar bonisi bosikho tangrikha.  
<sup>7</sup> Ar bonisi gada bysakho Jisuniha labukha, ar boni bysauha jar jarni ri tabrikha : ar bytamai boni bysauha khamkha. <sup>8</sup> Ar bangdaunu lamaha jar jarni ri, gubunrau hadini prang bedeb dainghi, ienkha. <sup>9</sup> Ar jar jar sygang tangba ar jar jar iahungruba, bonisi jurukauhi tikha, Hosanna ; Bo hajai-prangba jar Bogobrani bumu jang faidu :  
<sup>10</sup> Bo hajai-prangba jar raji faidu, jini bufa Davidni raji ; kurubneta judauiabaha Hosanna. <sup>11</sup> Ar bytamai Jerusalemha habda-da Ishornoha tangkha ; ar serser giding naihi kurub nudada murgusumbaha, bo jignini lugu baigohi Bethaniaha tangkha.

<sup>12</sup> Ar nokanaihi bytamaitu Bethaniani prang baigobubani iahungha bytamai ho-krikha. <sup>13</sup> Ar bytai gynangiaba khandau fangsi gyjaingha nuhi bytamai faikha, boha kisa mairitibo ; tikabo rugungha faihi bylaini binaga musibo nuiakha : sumune khandau-taibli nia. <sup>14</sup> Ar bytamai bokho tipinkha,

Duni prang sausi nini bytai da maijitung.  
Ar bytamaini sisirau ebokho khanakha.

<sup>15</sup> Ar bytamaitu Jerusalema faidu: ar bytamai Ishornoba habkha, ar jar jar oraha faingba byraiba bonisikho ruhonrukha, ar rang sylaiarauni mej ar daufri faingiarauni kamflai bulubritarkha; <sup>16</sup> ar Ishoroni gyde sausikhobo musu boko langhi tangriakha. <sup>17</sup> Ar subrunghi bytamai bonisikho tikha, Ebola rebba giri, Ani nokho kurub jadini bino tifure? tikabo nisi bokho dakhaitrauni hakhor sylamkha. <sup>18</sup> Ebo gyraukho jontaimarau ar rebiarau khanakha, ar sumu bede bytamaikho khymama naikha; sumune bonisi bytamaikho khinba, bedehe kurub subung bytamaini subrungtaiha gymangba.

<sup>19</sup> Ar saingprung murgusumbaha bytamai nolaimani prang tangre.

<sup>20</sup> Ar purungha rugung tanghi bytamaitu nukha khandaufang iader sosi rainglangkha.

<sup>21</sup> Ar Petros uaingsohi bytamaikho tidu, Hoja, nai, namai jar khandaufangkho sara-briba, bo rainglangkha. <sup>22</sup> Ar Jisu bonisikho tipindu, Ishorha lon. <sup>23</sup> Ang nisikho gibinu tidu, Jar serebo ebo hajukho tinang

Nung gukhurhi sagirha gylaitang; ar khatuhi jarkho tire bonu jare lonre; boni khylaihi bonu janang. <sup>24</sup> Odebani ang nisikho tidu, Jar jarkho nisi saingre ar bire, lonla bokho maikha, ar nisini khylaihi bonu janang. <sup>25</sup> Ar nisi bykhali bima songre, serebani gyde nisini sumaba dongkhade bokho gar; nisini Shorgoni Bufa nisini gyjai gargotai.

<sup>26</sup> Ar bytamaitu pinhi Jerusalemba faidu; <sup>27</sup> ar bytamai Ishornoha daubaibaha jontaimarau, rebiarau ar gyrarau bytamai-niha faihi tikha. <sup>28</sup> Nung sumu rautai jang ebo kurub khyलाईdu? niakhade sere isi khylaini nune ebo rautai rikha? <sup>29</sup> Ar Jisu bonisikho tikha, Ang nisikho gyrau taisi sungnang, ar ane tipin, ar ang sumu rautai jang ebo kurub kusi dangdu nisine tinang. <sup>30</sup> Joannisni baptism shorgoni prang ti subungni prang? ane ti. <sup>31</sup> Ar bonisi ede tihi jarni bisingha nialaikha, Shorgoni prang tikha tikade ebo tinang, Nisi sumu bokho lonia? <sup>32</sup> Tikabo subungni prang tikade—bonisi subungnisikho khinkha, sumune kurubbo Joanniskho gbinu khandi-diaba tihi maniba. <sup>33</sup> Ar bonisi Jisukho tipinkha, Jung mitia. Ar Jisu bonisikho



tidu, Tikhala sumu rautai jang ang ebo kurub khyलाई, bokho angbo nisine tia.

## XII

<sup>1</sup> Ar bytamai bonisikho daugari jang tirukha. Sereba subung draka hadi sylamhi, boni serser giding bari sukha, ar draka hunmani hakhor kukha, ar no gujuba gyrangsi dangkha, ar bokho hadi dangjiasaraune rihi gubun rajiha tangkha. <sup>2</sup> Ar tip bubliha bytamai dangjiasarau-niha leng sausikho haihakha bo bonisini prang draka hadini bytai lafugotai. <sup>3</sup> Ar bonisi bokho rumhi sukha, ar iau kungja haihakha. <sup>4</sup> Ar bytamai pinhi gubun lengkho bosiniha haihakha; bonisi boni bokhroha dokha ar man kymakha. <sup>5</sup> Ar bytamai gubun sausikho haihakha; bonisi bokho dotaikha; ar bytamai gybangkho haihakha; bonisi serebakho sukha, serebakho sytaikha. <sup>6</sup> Bytamaini gubun sausi mamang dongba, bytamaini khasuiaba bysa; bokhonu bytamai iahungtauha bosiniha haihadada tikha, Bonisi ani bysakho man khylainang. <sup>7</sup> Tikabo bo dangjiasarau sausi jang sausi tilai-

kha, ebo maignaiaba ; fai, ebokho sytainang ar boni banta jininu janang. <sup>8</sup> Ar bonisi bytamaikho rumhi sytaikha, ar draka hadini bajiha dangkhylaiikha. <sup>9</sup> Odebani bo draka hadini bogobra sumu khylainang ? bytamai faihi bo dangjiasarukho sytainang, ar bo draka hadi gubunnisine rinang. <sup>10</sup> Nisi shastro ebo gyrau foribabo giri ;

Dangiarau jar longtai laiakha

Bonu bogrongni bokhroni longtai sylam-jaukha.

<sup>11</sup> Ebo Gybrani prang jaba

Ar ebo jini muha gymangsisi ?

<sup>12</sup> Ar bonisi bytamaikho rumma naikha : ar subungnisikho khinkha ; sumune bonisi mitifuba bytamai bonisini gyde bo daugari tinang : ar bonisi bytamaikho garhi tanglakha.

<sup>13</sup> Ar bonisi bytamaini gyrauha rummani baini Pharisi ar Herodiankho haihadu. <sup>14</sup> Ar bonisi faihi bytamaikho tidu, Hoja jung mitire nymai gibi, ar sausikhobo khinia : sumune nymai subungnisini mukhang naia, tikabo gibinu Ishorni lama subrungdu, Kaisarne jaigri rima nangre ti nangia ?

<sup>15</sup> Jung rimati ria ? Tikabo bytamai bonisini khasin mitihi tikha, Sumune angkho

sung-grudu? Ane annasi labuhi risai.

<sup>16</sup> Ar bonisi labukha. Ar bytamai bonisikho tidu, Ebo saukhali ar bumu sereni?

Ar bonisi tikha, Kaisarni. <sup>17</sup> Ar Jisu bonisikho tikha, Jar jar Kaisarni, Kaisarne ri, ar jar jar Ishorni Ishorne ri. Ar bonisi bytamaini bytaiha gybangnu gymangkha.

<sup>18</sup> Ar Saddukirau, jar jar bajapin-tai giri tidu, bytamainiha faidu; ar bonisi bytamai-kho ede tihi sungkha, <sup>19</sup> Hoja, Moses jini khylaihi rebba, Serebani byda jarni bihikho denghi thire, ar boni bysa girire, boni bu-fung boni bihikho jukuhi bydani khylaihi bosong khaikoma nangre. <sup>20</sup> Kafung sini dongba; radautauibaba bihi sausi jukuhi bosong dengiahi thikha; <sup>21</sup> ar boni iasing-sogaru bokho jukuhi bosong dengiahi thikha, ar boni iasingsogarubo olainu thikha: <sup>22</sup> ar sinibo bosong galangba giri. Iahungtauha mysaingju thikha. <sup>23</sup> Bajapinbaha bo sereni bihi janang? sumune bo sinini bihi dongba. <sup>24</sup> Jisu bonisikho tikha, Nisini gorontai ebo nia, nisi shastrobo rungia, ar Ishorni rautaikhobo mitia? <sup>25</sup> Sumune bonisi githirauni prang bajabaha jukubo jukuia ar jukubo jukuria; tikabo shorgoni

daugaraulai dongre. <sup>26</sup> Tikabo githirauni bytai bonisi bajare nisi Mosesni laisimaha, bufrubni kharmuha, foriba giri, Ishor bytamaikho sumu tiba, Ang Abrahamni Ishor Isaakni Ishor ar Jakobni Ishor? <sup>27</sup> Bytama githirauni Ishor nia, tikabo gythan-grauni: nisi gybangnu gorondu.

<sup>28</sup> Ar rebiarauni sausi faihi bonisikho nialaiba khanakha, ar bytama hamsisi bonisikho tipinkha mitihi bytamaikho sungaha, Sumu sanitai sygangtau? <sup>29</sup> Jisu tipinkha, Sygangtau ebo, O Israel, khana; Gybra jini Ishor, gybra sausi: <sup>30</sup> ar nung nuni kurub kha, nuni kurub hang, ar nuni kurub rautai rihi nuni Ishor Gybrakho nangjau. <sup>31</sup> Gani ebo, Nuni nosurnomakho jarlai nangjau. Ebo taiginitane hamdauiba sanitai giri. <sup>32</sup> Ar rebiaba bytamaikho tikha, Gibinu, Hoja, nymai hambakho tikha, Bytama sausi; ar bytama-ni binaga gubun giri: <sup>33</sup> ar kurub kha, kurub khatai ar kurub rautai rihi bytamaikho nangjauba, ar nosurnomakho jarlai nangjauba, kurub dugadi sauba ar mi sengbana neta dedau. <sup>34</sup> Ar Jisu nubaha bo khatai gynangiabalai tipinkha, bytama bokho tikha, Nung Ishorni rajini prang gyjaing nia. Ar

boni iahungha sausibo bytamaikho musi  
\* bytai sungraufuia.

<sup>35</sup> Ar Ishornoha subrungbaha Jisu tipinhi  
tikha, Rebiarau bedede tidu Khrist Davidni  
bysa? <sup>36</sup> David jarnu Byse Gy tar-jang  
tiba,

Gybra ani Gybrakho tikha,

Bisi sosi ang nini jybaraukho nuni iegani  
iafadab khylaiasi,

Nung ani iaugydaha kham.

<sup>37</sup> David jar bytamaikho Gybra tire, tikhala  
bedehe bytamai bytamaini bysa? Ar su-  
bungnisi khajahi bytamaini gyrau khanakha.

<sup>38</sup> Ar bytamai jarni subrungtaiha tikha,  
Rebiarauni prang guru, bonisi rigutu gainghi  
daubaima naire, ar hataiha khulumjauma,  
<sup>39</sup> ar synagoga khamflai gujuba, banderaha  
judauba hataniha khamma naire; <sup>40</sup> bonisi  
banjurauni no molore, ar gylau gylau bitai  
bire; ebonisi fangfai maidaunang.

<sup>41</sup> Ar bytamai pantarni sygangha khamhi  
subungnisi bedehe pantarha beseng dang-  
khylaire, bokho naiba: ar gybang gynangrau  
gybang dangkhylaikha. <sup>42</sup> Ar dukisa banju  
saudi faihi beseng magini, dabo poisa masi,  
dangkhylaikha. <sup>43</sup> Ar bytamai jarni sisi-

raukho rugungha juruhi tikha, Ang nisikho gibinu tidu, Jar jar pantarha beseng dangkhy laidu bonisi kurubnetabo ebo dukisa banju dangdau dangkhy laikha. <sup>44</sup> Sumune bonisi jarni dhonni haglaiabakho dangkhy laikha ; tikabo ebo jarni soiaiatipni prang, sumu kisa dongba kurub bojaiabasi dangkhy laikha.

## XIII

<sup>1</sup> Ar bytamai Ishornoni prang baigobaha, bytamaini sisirauni sausi bytamaikho tidu, Hoja, nai, belai longtai ar belai no dangtai !

<sup>2</sup> Ar Jisu bokho tikha, Nung ebo gede gede nonisi nudu ? Eراها longtai taisi taisini bysauha dongnang nia, kurub dangkhy lai jaunang.

<sup>3</sup> Ar bytamai Ishornoni sygangha Bongkhrangkha hajuha khambaha, Petros, Jakob, Joannis ar Andreas bytamaikho sung khaukha, <sup>4</sup> Jine ti, bykhali edebanisi janang ? ar edebasi jadidi sumu iaublai ?

<sup>5</sup> Ar Jisu bonisine tirukha, Gurula sereba nisikho suburfuiagotai. <sup>6</sup> Ani bumu rumhi gybang fainang, ar angnu bo, tinang ; ar bonisi gybangkho suburnang. <sup>7</sup> Ar bykhali

nisi dainglaibani bytai ar dainglaibani gyrau haglang khamanang, kha damau ; ebo kurub jama nangre, tikabo boha taunang nia. <sup>8</sup> Sumune jadisini bysau gyde jadisi, rajisini bysau gyde rajisi bajanang : gybang hatauiha bangla fainang ; asari janang : edebanu duku jaruba.

<sup>9</sup> Tikabo jarni bytaiha gurulai ; sumune bonisi nisikho melha iaupanang ; ar nisi synagogha sujaunang ; ar rajisygaurau ar rajarau ni sygannga jarni khylaihi saki-lai jahi songnang. <sup>10</sup> Ar hamba gyrau-zyma sygannga kurub jadinia baima nangre. <sup>11</sup> Ar bykhali bonisi nisikho langhi tangnang, ar iaupanang, sumu tima boni khylaihi sygannga kha damau ; tikabo bo bubliha nisine sumu rinang bokho ti : sumune nisi nia, Byse Gytar tire. <sup>12</sup> Ar byda bufiungkho, bufa bysakho githine iaupanang ; ar bysanisi buma-bufakho haram jahi sytairinang. <sup>13</sup> Ar ani bumuni khylaihi nisi kurub jang guijau-nang ; tikabo jar iahungsosi soianang, bo gonang.

<sup>14</sup> Tikabo jekhali nisi sytaigynaiaba guijau-iaba banikho jarha songmani nia ora songba nunang (jar forire bo khamau

habtung), boha Judaiaha jar jar dongre, bonisi hajuha khailangtung; <sup>15</sup> ar jar nokumsauha dongre, bo noni prang sumaba bani lamani khylaihi bykhlaha da akhaitung ar da hab-tung: <sup>16</sup> ar jar pydaingha dongre, bo jarni ri lamani khylaihi da faipitung. <sup>17</sup> Hai! bo bubliha saukhongniaba ar abojiriabarauni sumu uaingmu! <sup>18</sup> Ar bi ebo gyzangtorha jaiagotai. <sup>19</sup> Sumune bo bubli duku janang, olai Ishor sangsaijenbani prang dusosi jaba giri ar musi khalibo janang nia. <sup>20</sup> Ar Gybra ebo bublikho jhoriakhade, sausibo thangiamu: tikabo bytamai, jar jarkho nangjauba bo nangjauiaarauni khylaihi, bublikho sungdaurikha. <sup>21</sup> Ar sereba nisikho tikhade, Nai, bo Khrist eraha; niakhade, oraha; da lon: <sup>22</sup> Sumune mosol Khristnisi ar mosol khandidiabarau bajanang, ar bonisi iaublai ar gymangsisiba kusi fununang, baukhade khanangiaraukho suburfure. <sup>23</sup> Tikabo nisi gurula: nai, ang sygangnu nisine kurub tikha.

<sup>24</sup> Tikabo bo bubliha, bo dukuni iahungha saing andar janang, ar daing jynanang nia, <sup>25</sup> ar nokhasauni prang hatrainisi gylainang, ar nokhasauni rautainisi maunang. <sup>26</sup> Boha



bonisi subung Bysakho gybang rautai ar muima jang jimini lugu faiba nunang.

<sup>27</sup> Boha bytamai daugaraukho haihanang, ar ferti tauiabani prang nokhasau tauiababa sosi serser-gidingni prang jar nangjauiaraukho gataisi khylainang.

<sup>28</sup> Tikabo kandaufangni prang boni daugari sulung: boni bedeb miaukhade ar bylai sylaikhanu nisi mitire gulumtor sampakha.

<sup>29</sup> Edelai nisi ebo kurub jaba nukhade mitinang, bo derga kholaiha. <sup>30</sup> Ang nisikho gibinu tidu, Edebanisi jaiakhade ebo bosong gymanang nia. <sup>31</sup> Nokhasau ar ferti gymanang; tikabo ani gyrau gymanang nia.

<sup>32</sup> Tikabo bo bysaing ar bo mufrubasi sausibo mitia, shorgoni daugarau nia, Bysa nia, Bufa mamangsenu mitire. <sup>33</sup> Gurula, symauhi

dong ar bila: sumune bo bubli bykhali bokho nisi mitia. <sup>34</sup> Bedelai sereba subung no garhi, raji gubunha donghi donghi jarni lengraukho rautai rihi saufrongkho jar jarni kusi rihi, ar derganaiakho symauhi dongma sanikha.

<sup>35</sup> Dabo symauhi dong: sumune nobra morgusumbaha, hor gezerha, dauno gisibliha ti purungha bykhali fainang, nisi mitia;

<sup>36</sup> ar bytamai tab faihi tuba nuiagotai.

<sup>37</sup> Ar nisikho sumu tidu, kurubkho bo tidu, Symauhi dong.

## XIV

<sup>1</sup> Saing-gni iahungha Gotai dusi ar tembura giriaba honni dusi : ar jontaimarau ar rebiarau sumu khatai jang bytamaikho rumnang, ar sytainang, boni saunangkha ;  
<sup>2</sup> sumune bonisi tikha, Dusi bubliha nia, subungnisini bisingha gudulaia gotai.

<sup>3</sup> Ar Bethaniaha, Simon khuntini noha dongbaha bytamai jima khambade, mysaingju sausi alabaster bokoha duiaba thau lahi sofaikha ; ar bo boko sybaihi bytamaini khoroha lukha. <sup>4</sup> Tikabo elaiaba sereba sereba dongba, jar jar tamsi baigohi jarni bisingha tikha, Sumune ebo thaula ede khymakha ?  
<sup>5</sup> Sumune ebo thaula aduli ryjagytamne bangdauhi fainghi dukisaraune riture. Ar bonisi boni bysauba tamsi funukha. <sup>6</sup> Tikabo Jisu tikha, Ebokho haigar, sumune ebokho pejengdu ? ebo aniha hamba kusi dangkha.  
<sup>7</sup> Sumune dukisarau nalaibo nisini rugungha dong ; ar nisi bykhali mujungre bonisini hamba khylaifure ; tikabo ang nalai nisini

lugu dongia. <sup>8</sup> Ebo sumukho khylaifuma, bokho khylaikha : pubmani khylaihi sygangha ani sauha thau lukha. <sup>9</sup> Ar ang nisikho gibinu tidu, Fertini sumu hataniha hamba gyrau-zyma bainang, ebo mysaingju sumu khylaikha, boni uaingsogotai, bokhobo tinang.

<sup>10</sup> Ar Judas Iskariot, jignini sausi, jontaimarauni iauha bytamaikho iaupamani khylaihi bonisiniha tangkha. <sup>11</sup> Bonisi khanahi khazakha, boneta rang rimani symai dangkha. Ar bo bedehe her maibaha bytamaikho rumrinang, boni saunangkha.

<sup>12</sup> Ar tembra giriaba honni dusi bysaingni sygangha, bykhali bonisi Gotai dusini mi sengma, bytamaini sisirau bytamaikho tidu, Nymai Gotai dusini bandera jifugotai jung byra tanghi bojainang, namai sumu mujungdu? <sup>13</sup> Ar bytamai boni sisirau ginikho haihahi tidu, Nisi nolaimaha tang, di dihusi langiaba subung jang nisi goronlainang, boni iahung iahung tang; <sup>14</sup> ar bo byra habre, bo nobrakho ti, Hoja tidu, Jar hataniha ang sisirauni lugu Gotai dusini bandera jinang ani bo naruaiko byra? <sup>15</sup> Ar bo jarnu nisikho sylamiaba bysauni khotaisi fununang;

jini khylaihi oraha bojai. <sup>16</sup> Ar sisirau baigohi nolaimaha faikha, ar bytamai bede tiba ode nukha ; ar bonisi Gotai dusini jibani bojaikha.

<sup>17</sup> Ar murgusumbaha bytamai jignini lugu faidu. <sup>18</sup> Ar bytamaitu khamhi jibaha Jisu tikha, Ang nisikho gibinu tidu, Nisini sausi angkho iaupanang, bo ani lugu jidu. <sup>19</sup> Ar bonisi duku nangrudu, ar sausi sausi bytamaikho tidu, Bola angti? <sup>20</sup> Ar bytamai bonisikho tikha, Jignini sausi, bo ani lugu khylaiha iau jemdu. <sup>21</sup> Sumune subung Bysani belai rebba dong, olai bytamai tangdu ; tikabo subung Bysa jar jang iau-pajauba, bo subung khabaitani ! bo subung hajaiakhade boneta hamkha.

<sup>22</sup> Ar bonisi jibaha bytamai hon lahi bykhan khylaihi bokho sybaikha, ar bonisine rihi tikha, Ne, ebo ani sau. <sup>23</sup> Ar bytamai boko lahi bykhan khylaihi bonisine rikha : boni prang bonisi kurub jang lungkha. <sup>24</sup> Ar bytamai bonisikho tikha, Jar gybangni khylaihi gylaikha, bo bylamni khylaihi ani thi. <sup>25</sup> Ang nisikho gibi tidu, Ang bisi sosi Ishorni rajiha draka bidi gydaing lungnang, usi sosi ang bokho lungnang nia.

<sup>26</sup> Ar bytamaitu ryjablaihi Bongkhangkrai hajuha tangkha.

<sup>27</sup> Ar Jisu bonisikho tidu Nisi, kurub, dubun jaunang : sumune rebba dong, Ang melmanisi gublung langnang. <sup>28</sup> Tikabo ang bajakhade nisini sygangha Galilaiaha tangnang. <sup>29</sup> Tikabo Petros bytamaikho tikha, Kurub dubun jaukhabo ang dubun jaunang nia. <sup>30</sup> Ar Jisu bokho tidu, Ang nungkho gibi tidu, Dininu duhorhanu dauno alang gini gisibani sygangha nung angkho alang gytam nianang. <sup>31</sup> Tikabo bo gybangnu khatutu tikha, Nuni lugu thima tikabo, ang nungkho nianang nia. Ar bonisi kurubbo odeno tikha.

<sup>32</sup> Ar bytamaitu Gethsemene tiaba hata-niha faidu : ar bytamai jarni sisirau tidu Ang bidusi, nisi eraha khamhi dong. <sup>33</sup> Ar bytamai jarni lugu Petros, Jakob ar Joanniskho langhi gybang gymangkha, ar uaingmu nangrukha. <sup>34</sup> Ar bytamai bonisikho tidu, Ani hang gybangnu duku nangdu, isi sumu thibalai jare ; nisi eraha dong ar symauhi dong. <sup>35</sup> Ar bytamai kisa tangsenghi haha gylaihi bikha, Jafure tikhade ebo bubli bytamaini prang tanglatung. <sup>36</sup> Ar

bytamai tikha, Abba, Baba, nung kurubkho bylaire; ani prang ebo belai disai: tikabo ang mujungbalai nia, nung mujungbalai. <sup>37</sup> Ar bytamai faihi bonisikho tuba nudu, ar Petroskho tidu, Simon nungla tudu? Nung gontasibo symauhi dongfuiakha. <sup>38</sup> Symauhi dong ar bi, naigrutaiha gylaia-gotai; byse mujungdu tikabo sau lebdu. <sup>39</sup> Ar bytamai pinhi tanghi bo gyrau tihi bikha. <sup>40</sup> Ar pinhi bytamai faihi bonisikho tuba nukha, sumune bonisini mu gybangnu risiba; ar bytamaikho sumu tipinnang, bonisi khamauhabfuiakha. <sup>41</sup> Ar bytamai alangtam faihi bonisikho tidu, Duha tu ar lengo: bangkha, bubli sofaikha, nai, subung Bysa papirauni iauha iaupajaudu. <sup>42</sup> Baja, jung tangnang: nai, jar angkho iaupanang, bo rugungha dong.

<sup>43</sup> Ar tab bytamai gyrau jobahanu Judas, jignini sausi faidu, boni lugu seng ar goda lahi subung gybang jontaimarauni, rebiarauni, ar gyrarauni prang dong. <sup>44</sup> Jar subung bytamaikho iaupagnaiaba, bo bonisikho ede tifunukha, Ang jarkho kudumnang, bonu: bokho rum, ar gurubi langhi tang. <sup>45</sup> Ar bo bytamainiha faibaha,

Rabbi, tihi, bytamaikho kudumkha. <sup>46</sup> Ar bonisi bytamaini bysauha iaurihi bytamai-kho rumkha. <sup>47</sup> Tikabo jar jar rugungha songba bonisini sausi seng khaikohi jontaimani lengkho daingkha, ar boni khamau rakhaukha. <sup>48</sup> Ar Jisu bonisikho tipinkha, Dakhait rumma faibalai nisila seng ar goda lahi angkho rumma faiba? <sup>49</sup> Ang saingprung Ishornoba nisini lugu donghi subrungha, ar angkho rumia; tikabo shastroni gyrau jagotai odebani ebo jaba. <sup>50</sup> Ar bonisi kurub bytamaikho garhi khaikha.

<sup>51</sup> Ar naga sausi ri baleleba painghi sauba mamang iahung iahung bytamaini lugu tangba: ar bonisi bokho rumkha; <sup>52</sup> tikabo bo baleleba ri dangkhylaihi lengtanu khaikha.

<sup>53</sup> Ar bonisi Jisukho jontaimaniha langkha; ar kurub gedema jontai, gyrrau ar rebiarau bytamainiha faikha. <sup>54</sup> Ar Petros gyjaing gyjaingha donghi bytamaini iahung iahung jontaimani hakli sosi faiba; ar bo deglarauni lugu khamhi uaising khamba. <sup>55</sup> Tikabo jontaimarau ar melni kurub subung Jisukho sytaimani khylaihi bytamaini gyde saki symaikha, ar maifuiakha. <sup>56</sup> Sumune gybangnu bytamaini gyde mosol saki ribanu

ar bosini saki bausi jaiakha. <sup>57</sup> Ar sereba sereba songhi bytamaini gyde saki rihi tikha, <sup>58</sup> Jung ebokho tiba khanakha, Ang ebo iaujang sylamiaba Ishorno sybainang, ar saing-gytamaha iaujang sylamiaiaaba gubun masi sylamnang. <sup>59</sup> Ar ebohabo bosini saki bausi jaiakha. <sup>60</sup> Ar jontaima gejerha songhi Jisukho sungkha, Nung musibo tipinia? ebonisi nuni gyde saki ridu ebo sumu? <sup>61</sup> Tikabo bytamai puru puru dongkha, musibo tipiniakha. Pinhi jontaima bytamaikho tihi sungkha, Nungnu bo Khrist, Bo Hajaiprangniabani Bysa? <sup>62</sup> Ar Jisu tikha, Ang bo: ar nisi subungni Bysakho rautaini iaugydaha khamba ar nokhasauni jymi jang faiba nunang. <sup>63</sup> Ar jontaima jarni ri jekhauhi tikha, Saki jang jini kusi sumu nangrekho? <sup>64</sup> Nisi Ishorkho josengba khana-kha; nisila sumu baudu? Ar bonisi kurub bytamaikho sytaijau-gynaiaba tikha. <sup>65</sup> Ar serebasereba bytamaini sauha khudi turukha, ar bytamaini mukhang funghi bytamaikho iausum rikha ar tirukha, Gyrau khandi; ar deglarau golang rihi rihi bytamaikho langkha.

<sup>66</sup> Ar Petros hakli bykhlaha dongbaha,



jontaimani melengju sausi faihi; <sup>67</sup> Petroskho uaising khamba nuhi bokho naikha, ar tikha, Nungbo bo Nazaretsa, bo Jisuni lugu dongba. <sup>68</sup> Tikabo bo niakha, tikha, Nung sumu tidu, bokho ang mitia, khamaubo habia : ar bo bajiha tangkha, ar dauno gisikha. <sup>69</sup> Ar bo melengju bokho nuhi, jarni rugungha songba bonisikho tipinrukha, Ebobo bosinini sausi. <sup>70</sup> Tikabo bo pinhi niakha. Jar jar rugungha songhi dongba bonisi fungsiha Petroskho tikha, Gibinu nungbo bosini sausi, sumune nung Galilaiasa. <sup>71</sup> Tikabo bo syrab rihi ar symai danghi tikha, Nisi jarni gyraukho tidu, ang bo subungkho bysau mitia. <sup>72</sup> Ar tabnu alang-gni dauno gisikha. Ar Petros ebo gyrau uaingsokha Jisu bokho tiba, Nung dauno alang gini gisibani sygangha angkho alang gytam nianang. Ar bokho bauhi bo gyrakha.

## XV

<sup>1</sup> Ar purungmahanu gyrarauni ar rebiarauni lugu jontaimarau, ar melni kurub jang budi bauhi, Jisukho khahi langhi, Peilatniha iaupakha. <sup>2</sup> Ar Peilat bytamaikho sungkha, Nung Jiurauni raja? Ar bytamai bokho

tipinkha, Nung tidu. <sup>3</sup> Ar jontaimarau bytamaini bysauha gybang fangfaing fynangkha. <sup>4</sup> Ar Peilat bytamaikho sungpinhi tikha, Nung musibo tipiniala? Nai, ebonisi nuni bysauha bisi fangfaing fynangdu. <sup>5</sup> Tikabo Jisu musibo tipiniakha: boha Peilat gymangkha.

<sup>6</sup> Bo dusiha bonisi khazauiba asabakho saingkhade bytamai bokho haigarhi bosine riba. <sup>7</sup> Ar Barabbas tiaba, sausi oraba dongba, jar jar jyba jahi jybaha subungkho sytaiba, bonisini lugu bo jebjauhi dongba. <sup>8</sup> Ar subungnisi bysauha tanghi bytamai bonisini khylaihi sumu khylaiba, bokho saingrukha. <sup>9</sup> Ar Peilat bonisikho tipinkha, Nisi naidu ang Jiurauni rajakho nisine haigarmati? <sup>10</sup> Sumune bytamai mitiba, haraini khylaihi jontaimarau bytamaikho iaupaba. <sup>11</sup> Tikabo jontaimarau subungnisikho sukufulungkha, bytamai Barabbaskhose bosine haigargotai. <sup>12</sup> Ar Peilat bonisikho tipinkha, Tikala nisi jarkho Jiurauni raja tire, bokho sumu khylaiba? <sup>13</sup> Ar bonisi pinhi jurukhaubi tikha, Bokho daubraha ri. <sup>14</sup> Ar Peilat bonisikho tikha, Sumune, bytamai sumu gyzai khylaikha? Tikabo bonisi

rausi jurukhauhi tikha, Bokho daubraha ri.

<sup>15</sup> Ar Peilat subungnisikho khajarima mujunghi Barabbaskho bonisine haigarkha, ar Jisukho jauhi daubraha rimani khylaihi iaupakha.

<sup>16</sup> Ar telengarau bytamaikho hakliha, dabo Praetoriumha, langhi tangkha, ar telengabutu juruhi bojom khylaikha. <sup>17</sup> Ar bonisi bytamaikho gyjau rongni ri gaingridu, ar shuni khorotu sylamhi bytamaini khoroha turidu ; <sup>18</sup> ar bonisi, Jiurauni Raja, jutai tihi kulumrukha. <sup>19</sup> Ar bonisi bytamaini khoro

rai jang sukha, ar boni sauha khudi tukha, ar iasgu tuhi bytamaikho kulumkha.

<sup>20</sup> Ar bytamaikho mylaubani iahungha bonisi gyjau rongni ri kurulahi bytamaikho jarni ri gaingrikha. Ar bytamaikho daubraha rimani bajiha langhi tangkha.

<sup>21</sup> Ar bonisi lamani subung sausikho, dabo Alexander ar Rufusni bufa, nolaini prang faiaba Simon Kurenaioskho, bytamaini daubra baingmani begar rumdu. <sup>22</sup> Ar bonisi bytamaikho Golgothaha, dabo laukhrong hantaniha, langhi tangdu. <sup>23</sup> Ar bonisi bytamaine myrr gibringiaba draka bidi rikha : tikabo bytamai laiakha. <sup>24</sup> Ar bonisi

bytamaikho daubraha ridu, ar bytamaini rikho hatai khonhi, sere sumu maire, ronlaihi langkha. <sup>25</sup> Ar gonta gytamha bonisi bytamaikho daubraha rikha. <sup>26</sup> Ar bytamaini khaingsubani gyrau bytamaini bysauha rebba dong, **JIURAUNI RAJA.** <sup>27</sup> Ar bytamaini lugu dakhait ginikho bonisi daubraha ridu ; sausikho bytamaini iaugydaha, ar sausikho bytamaini iausiha. <sup>28</sup> Ar jar jar rugung gyde tangba faiba, bonisi khoro symauhi ede tihi bytamaikho sariba, <sup>29</sup> Nungnuti Ishorno sybaihi saing-gytamha sylvampinre, <sup>30</sup> jarkho mythangla, ar daubrani prang akhaihi fai. <sup>31</sup> Odeni jontaimarau jar jarni bisingha bytamaikho mylauhi rebiarauni lugu tikha, Bytama gubunkho mythangkha, jarkho mythangfuiakha. <sup>32</sup> Khrist, Israelni raja duha daubrani prang akhaihi faitung, jung nuhi longotai. Ar jar jarkho bytamaini lugu daubraha riba, bonisibo bytamaikho mylauba.

<sup>33</sup> Ar saingblini gonta doni khaliha kurub raji andar jahi gonta sugu sosi dongkha. <sup>34</sup> Ar gonta suguha Jisu jurukauhi tikha, Eloi, Eloi, lama sabakthani ? dabo, Ani Ishor, ani Ishor, nung sumune angkho garkha ?

<sup>35</sup> Jar jar rugungha songhi dongba, bosini sereba sereba ebokho khanahi tikha, Nai Eliaskho jurudu. <sup>36</sup> Ar sausi khaikba, mikribidi jang gyblaiaba sponj masi nolha fynangdada bytamaine lungma rihi tikha, Dong; nainang, Elias ebokho akhairima faireti faia. <sup>37</sup> Ar Jisu jurukhaubi thikha. <sup>38</sup> Ar Ishornoni sengsali bysauni prang bykhla sosi jigauhi grang gini jakha. <sup>39</sup> Ar jar synabidi bytamaini sygangha songhi dongba, bo bytamaikho ede thiba nuhi, tikha, Gibinu, ebo subung Ishorni Bysa. <sup>40</sup> Ar mysaingjuraubo gyjaingni prang nuba; bosini bisingha Maria Magdalini, Jakob kaseba ar Josesni buma Maria, ar Salomi dongba; <sup>41</sup> jar jar Galilaiaba dongbaha bytamaini iahung ruhi seba khylaiba; ar bo gybang mysaingju dongba jar jar bytamaini lugu Jerusalemha faiba.

<sup>42</sup> Ar murgusumhi, sumune bo bysaing bojaimani, dabo lengobysaingni bysaing sygang, <sup>43</sup> Arimathaiasa Joseph, gede sausi montri faikha, bytamai jarbo Ishorni rajikho naisongba; bytamai kha rauhi Peilatni rugungha tanghi Jisuni saukho saingkha. <sup>44</sup> Ar bytamai ebo khaliha thilangkha

eboha Peilat gymanghi ryjasynabidikho jarniha juruhi sungkha, bytamai thiba budu laukhati? <sup>45</sup> Ar synabidini prang mitihi Josephne mangati rikha. <sup>46</sup> Ar bytamai rimsau grangsi byraihni bytamaikho akhairihi bo rimsau jang faingmyraikha ; ar longtaiha kuiaba mangkhor khorsiha bytamaikho turuhi mangkhor lamaba longtai taisi rogonrikha. <sup>47</sup> Ar bytamaikho byraha turikha, Maria Magdalini, ar Josesni buma Maria nukha.

## XVI

<sup>1</sup> Ar lengobysaing tangbade, Maria Magdalini, Jakobni buma Maria, ar Salomi tanghi bytamaikho plungrimani khylaihi mudumiaba banta byraikha. <sup>2</sup> Ar dusi bysaingni sygang purungmaha saingbrehi bonisi mangkhor rugungha faidu. <sup>3</sup> Ar bonisi tilaikha, Jini khylaihi mangkhor dergani prang sere longtai rogonrinang? <sup>4</sup> ar bonisi naihi nukha, longtai rogonrikha ; sumune bo longtai gybangnu debi. <sup>5</sup> Ar mangkhorha habhi rigufu gaingiaba naga sausi iauda gyde khamhi dongba nukha, ar gymangkha. <sup>6</sup> Ar bytamai bonisikho tidu, Da gymang ; nisi

daubraha rijauiba Nazaretni Jisukho sy-  
 maidu : bytamai bajakha, era giri ; nai,  
 eraha bonisi bytamaikho dengba. <sup>7</sup> Tikabo  
 nisi tang, bytamaini sisiraukho ar Petroskho  
 ti, Bytamai nisini sygang Galilaiaha tangdu :  
 bytamai bede tiba nisi bytamaikho oraha  
 nunang. <sup>8</sup> Ar bonisi bajiha tanghi mang-  
 khorni prang khaikha ; sumune bonisi mauba  
 ar gymangba : ar bonisi sausinihabo musi  
 tiba giri, sumune bonisi khinba.

<sup>9</sup> Ar bytamai dusi bysaingni syganga  
 purungmaha bajahi, Maria Magdaleni, jarni  
 simang masni sygauba, bo jang sygang nu-  
 jau-gydakha. <sup>10</sup> Bo tanghi jar jar byta-  
 maini lugu dongba, bonisikho tikha ; bonisi  
 duku nangba ar gyraba. <sup>11</sup> Ar bonisi kha-  
 nabahanu bytamai gythang dong, ar bo by-  
 tamaikho nukha, bonisi loniakha.

<sup>12</sup> Ede jabasini iahungha bytamai gubun  
 mungsi jahi bosini gini jang nujaukha, by-  
 khali bonisi nolaisaha tangba. <sup>13</sup> Ar bonisi  
 tanghi gubun kurubne tikha ; tikabo bonisi  
 bosikho loniakha.

<sup>14</sup> Iahunga sisi jise jimakhambade bytama-  
mai bonisi jangbo nujaukha; ar bytamai  
bosini loniatari ar kharau jataini khylaihi  
bonisikho sigringkha, sumune bytamai baja-  
bani iahungaha jar jar bytamaikho nuba, bo-  
nisikho bosini lonia. <sup>15</sup> Ar bytamai bonisikho  
tikha, Habsauni kurub hataniha tang, ku-  
rub sangsaijauiabaniha hamba gyrau-zyma  
bai. <sup>16</sup> Jar lonre ar baptis jare, bo gonang;  
ar jar lonia, bo saja rijaunang. <sup>17</sup> Jar jar  
lonre elai iaublai bonisini runang; bonisi  
ani bumu jang simang sygaunang; bonisi  
gydaing gydaing gyrau jonang. <sup>18</sup> Bonisi  
jubu rumhi sugunang, ar bonisi sytai gynai-  
aba sumaba lungkhade bosini musini janang  
nia; bonisi lumiarau sauha iaurikhade ar  
bonisi hamnang.

<sup>19</sup> Ede bosini lugu gyrau jobani iahungaha  
Gybra Jisu shorgoha langjaukha, ar Ishorni  
iaudaha khamkha. <sup>20</sup> Ar bonisi bajiha  
tanghi kurub hataniha baikha, Bogobra lugu  
lugu kusi dangkha ar iahungni iaublai jang  
bo gyrau funukha. Amen.



